

75237, 58/1310

50

7

1

HARVARD COLLEGE LIBRARY
FROM THE
HARVARD - YENCHING
INSTITUTE
MAR 1 1932

御選元詩卷第四十目錄

五言律詩七

楊維禎八首

錢惟善六首

張昱一首

王逢十八首


戴良十三首

顧瑛四首

顧元臣二首

顧晉一首

倪璠二十四首



御選元詩卷第四十目錄

五言律詩七

楊維禎八首

錢惟善六首

張昱一首

王逢十八首

戴良十三首

顧瑛四首

顧元臣二首

顧晉一首

倪瓚二十四首



UNIVERSITY OF TORONTO LIBRARY
130 St. George Street
Toronto, Ontario
M5S 1A5

郊韶十五首

姚文奐一首

熊夢祥一首

周砥九首

張簡二首

瞿份一首

李瓚一首

李元珪一首

張師賢一首

沈性一首

張遜一首

四十目錄

顧達一首

沈右三首

劉西村一首

金翼一首

陸景龍一首

舒頔六首

舒遜五首

周霆震一首

楊翮一首

張端二首

吳志淳一首

周南老一首

魯淵一首

朱希晦二首

吳會二首

王中七首

華幼武五首

葉顥十首

劉養晦一首

燕遺民二首

王鵬一首

郭鈺八首

御選元詩卷第四十

五言律詩七

楊維禎

題米芾小景

煙霧林梢出蒼翠望中分山溜雜人語溪雲亂鶴羣石

梁逢釋子巖屋隱徵君皴皴誰家筆披圖有篆文

敲七迹反皮細

也米元章有皴皴畫法

留題昆山松風竹月亭

蕩舟北郭外華表見新亭水作遊龍勢山為偃月形怪

松蟠水赤高竹上山青一束生芻意千秋地下靈

題邊魯生梨花雙燕圖

御選元言 卷四
燕燕兩于飛瑤樓暮雨微春風歌白雪夜月夢烏衣對
語寄宮樹營巢接禁闈江南花事晚疑是苦思歸

送曹生之京

十載辭京國常懷玉筍班鳳麈遊璧水虎豹啓天關海
樹分秦雨江雲隔楚山壯遊須努力況子正紅顏

題蘇武牧羊圖

未入麒麟閣時時望帝鄉寄書元有雁食雪不離羊旄
盡風霜節心懸日月光李陵何以別涕淚滿河梁

送用上人之金陵

東土帝王州高僧汗漫遊浣衣收夜雨洗鉢渡江流草
發金銀穴花飛霹靂溝攜詩見短李應下讀書樓

送楊生琰歸溧陽

之子吾同姓相逢已道南春衣彫白苧佳樹長黃柑雨
淡潛龍寺天清漂女潭蒲公讀書處白石有新菴

夜坐

日落羣動息張燈坐草堂浮生百年事清坐一爐香謀
拙鄰人歎幽棲世慮忘吟詩不知寐華月自流光

錢惟善

送酸齋學士之西州

薊北文章客風流迴不羣潮聲秋別夢月色夜留君三
峽吞秦樹千峰抹楚雲形骸捐水石來往更殷勤

保叔塔

御選元言 卷四
金刹天開畫鐵檐風語鈴野雲秋共白江樹晚逾青鑿
屋巖藏雨黏崖石墜星下看湖上客歌吹正沈冥

書懷

春夢渾難記年光不可留絮輕隨野馬樞熟醉林鳩綠
樹深藏徑青山直上樓功名等閒事一笑拂吳鉤

寄呂彥孚

覓句隱烏几談經坐虎皮乾坤秋已半風雨夜何其聚
散偏相憶窮愁不自悲但令交有道莫惜鬢成絲

極目亭

南望富春渚雲山縱復橫野陰低驛樹秋色帶州城千
古共登覽一江空戰爭海門遙見白應是晚潮生

和王仁仲見寄

齒髮已如許江湖何所之忽收前月信未和去年詩至
寶懷雙壁新愁理亂絲爲親能捧檄此意獨余知

張昱

暑中招客

江山猶故國風月自閒人老至謀生拙時更盛化新花
疑春似夢酒與道爲鄰柱史猶龍者何嫌有此身

王逢

憶舊遊二首

醉酒高陽里題詩左氏莊碧雲垂草帶紅旭散花房流
水循除活飛絲拂鬢長座中誰潦倒遺却紫香囊

御選元詩 卷四
紫纍妨過馬青苔委佩魚名通天上籍腹有架間書春
水浮齋艦山雲落板車尚懷仁里好耕鑿對休居

題沈氏別墅

小築洄塘上春陰水暫寒柳遮蓮葉艇花礙竹皮冠生
理尋常足閒心一寸寬知予厭奔走絕口不言官

仙茅塢

夜宿仙茅塢金鼇湧亂山天風來海外煙火落人間白
石思同煮青蘿喜獨攀絺衣弄華月公子亦忘還

題虎樹亭

宋聰禪師住華亭時有二虎噬人師降伏之命名曰大
青小青師卒虎亦死弟子瘞之塔傍踰年生銀杏樹二

今主僧隱公闢亭
樹間扁曰虎樹

舟泊東西客詩招大小青山高白月隋草偃黑風腥植

物鍾英爽精藍被寵靈涼陰慎剪伐留護石函經

過馬天章水村居

嘉興馬錄判歸築水村居士銜長腰米尊羹巨口魚青
衫霑露薄華髮向秋疎尚爾丹心壯無時去玉除

鄰飲

蠟炬繞紅鸞盆花玉露溥無家憎月色多難薄春寒毛
穎時旌鬼黃金少鑄官西鄰濁酒熟得罄一回歡

簡夏嘉定

百里繞吳煙重過喜地偏深城遲閉戶細港倒回船暮
汐煙開甲秋原木放綿民風返淳厚正賴使君賢

乙未八月避地前湖三首 錄一首

借地安樵爨秋煙滿桂叢禍因貧賤少詩到亂離工有
妹音徽隔諸兒起卧同數畦烏口稻滿待熟天風
竹底秋光薄牆根朝日暄稍通鄰曲好深荷野人恩細
雨菰生米新霜芋長孫加餐向茅屋醒眼看乾坤

丙申八月紀事時自鄉里入吳還華館遂卜隱

鴻山

寸舌解重圍長歌振短衣不成巢父去空似魯連歸蔡
港沙田薄黃山宰木稀伯鸞吾所慕梅李況魚肥

嘉興至正丙午三月廿八日自橫泖遷居烏涇宋張

驥院故居有林塘竹石因扁堂曰儉德園曰最

閒得詩凡六首 錄三首

卜宅賓賢里生涯始有涯憂緣常念亂貧為數移家徑
合交枝果簾當獨樹花池臺幾峰石相友卧煙霞
鄰曲敦新好園林恍昔游衣冠時徑入棊槊夜忘收已
遂尊羹與何煩杞國憂人生貴行樂兩鬢颯先秋
無才甘在野多懶愜行園石露溥雲氣池風損水痕草
深眠雉子林靜習鴉孫擬著幽居錄漁樵共討論

吉黃甘重游澱山

鼇戴小蓬萊方諸宮影開崖根龍洞闢山脉虎丘來疎
磬重煙水殘碑半雨苔因之懷故國游雁落清哀

木齋盛芮庠卿邀費孟彰同知陪酌背孰堂復同晚步

諸既出口號

御選元詩 卷四
五
罷酒出前楹霜寒著面輕林腰煙帛束天角火鋒生卧
木橋通野疎罾水隔城寬袍曳筇竹俱老愧宵征

乙丑秋書

腰痛非干米眊昏漸廢書靜知天運密老與堠程疎綠
吉黃甘外紅鮮白小初兒歸共貧樂容易歲云除

題垂虹橋亭

長虹垂絕岸形勢壓東吳風雨三江合梯航百粵趨葑
田連沮洳鮫室亂魚鳧私怪鴟夷子初心握霸圖

戴良

除夜客中

歲月遽如許蹉跎老却人一年惟此夜明日又逢春湖

海未歸客風塵多病身感時渾不寐燈火獨相親

郡齋度歲二首 錄一首

失脚雙溪路今經兩度春不堪飛雪夜還作望鄉人世
事方如夢生涯笑此身惟應兩蓬鬢不負歲華新

送歸安丞

之子宫何處湖流一舸通汀洲蘋影外城郭水光中夜
泛茗溪月春吟若下風若逢陳太守爲報名衰翁

自定川入海

乍離東海郡又上北溟船紅見波中日青窺水際天鄉
關千里隔身世一帆懸鄉信何從達歸鴻落照前

次大牢山下

御選元詩 卷四
草樹叢祠古波濤仙掌清鐘聲千里闊帆影一舟橫茅
屋邊山戍泥牆傍海城中原風景異到此暗傷情

至膠州

自入東膠路鄉邦此地賒人悲西候日帆亂北溟霞民
俗農爲業州城土作家驛樓何處是庭樹暮棲鴉

宿高密

客路信悠悠荒城許暫投黃塵齊地晚紅葉海邦秋燈
影明官驛鐘聲度縣樓去家今幾許猶自夢東州

次益都

使傳來遙甸估車馳近坳茅廬城外寺楊樹驛邊亭淄
水穿原綠牛山入郡青西遊應未遂又復渡滄溟

經金繩廢寺

寂寞唐朝寺頻年客到稀空山孤殿在荒徑一僧歸苔
色驕秋雨松聲振夕暉驚鳥初有託近亦出林飛

鄭城逢故人

一別無消息誰知住此城忽逢難面認驟語各心驚身
世丹衷折干戈白髮生憑君陳往事相看重含情

歲暮感懷四首 錄一首

驅馳三十載身世竟何如人老憂虞裏交疎病廢餘鄉
邦書未返湖海歲將除後夜燒燈坐依然歎索居

客居三首 錄一首

寥落空山裏松門晝亦關江鄉千里隔天地一身閒聽

雨多臨水看雲長傍山自今幽思熟無復歎時艱

辛亥除夕三首 錄一首

移居湖水上已是一年期客路頻辭歲家山忘別時庭
寒無鵲噪春近有梅知此夜傷情極椒觴懶獨持

顧瑛

雪夜泊楓橋

江城殘雪裏人發剡溪舟花急風翻去潮生水逆流傷
心憐去雁幽興託盟鷗寄語東蒙叟春山擬共遊

和馬孟昭韻

淒風何處起擊柝報嚴更共此可憐夜相看太瘦生燈
挑簷雨落茶煮石泉鳴猶有彌明叟聯詩慰逸情

木末林聽雪齋以夜色飛花合春聲度竹深分韻得聲
字

虛館晝生白飛花照眼明隔簾時有影著地靜無聲夾
坐人如玉深杯酒屢傾清歡竟成醉淡月破雲生

晚泊新安有懷九成

夜泊新安驛西風八月天人家家溪樹裏晚飯柁樓前水
落星移石雲開月隋船遙思佩韋者癡坐不成眠

顧元臣

玉山佳處分韻得堂字

玉山有佳趣張讌竹梧堂翠氣動空碧綠陰生暗芳蔗
漿銀碗凍尊縷翠絲涼最愛織歌罷虛庭月似霜

又得鳳字

梧竹遶高堂清陰滿坐涼春風人似玉芳草句生香綠
酒傾鸚鵡瑤笙引鳳凰詩成歡未撤月色轉迴廊

顧晉

芝雲堂得生字

石根雲氣暖坐看紫芝生詩酒共為樂竹梧相與清仙
人同跨鶴玉女對吹笙過雨添涼思停杯待月明

倪瓚

題張德常良常草堂

翠壁鄰丹竈青楓背草堂琴書聊卒歲麋鹿自成行澗
水流杯滑飛花入座香能無問津者及此繫舟航

遊善權洞

來窺善權洞一上李公樓水映巖前引雲旌松際浮然
鐙長不夜垂釣只虛舟欲讀吳朝刻真成冒雪遊

雪槎軒

已比溝中斷空思海上浮隨雲秋汎汎貫月夜悠悠無
路通河漢憑誰問女牛漂搖非有待吾道付滄洲

賦德機徵君荆南精舍圖

結廬溪水南勝事足幽探夏果落山雨春衣染夕嵐石
欹招鶴磴門俛射蛟潭日日縈歸夢蕭條雪滿簷

贈公遠

霜葉落欲盡晚山看更青躡將沙際屐坐久水邊亭俛

仰已如夢漂搖同泛萍稻梁非所戀黃鵠思冥冥
張心遠訪郟九成因書以寄

州府今爲掾風埃多厚顏香芹渾滿澗去鶴未巢山思
逐春雲亂心隨野水閒張君應話我樗散碧巖間

荒村

踽踽荒村客悠悠遠道情竹梧秋雨碧荷芰晚波明穴
鼠能人拱池鵝類鶴鳴蕭條阮遥集幾屐了餘生

寄虞子賢

天闊海漫漫崑山望眼寬桃源迷晉世松樹受秦官雨
蘚鹿迹遍霜梧鸞影寒封題數行字聊問竹平安

贈沈文舉

波光浮草閣苔色上春衣楊柳鶯啼暗櫻桃鳥啄稀榮
名非所慕登覽竟忘歸泖水宜修禊重來坐釣磯

王叔善已酉八月廿三日雨至廿六日乃開霽賦五言

呈德常

積雨琴絲緩泂階蘚碧滋泥途方汨沒茅屋且棲遲酒
向鄰家貰杯從野老持便應從此去海上候安期

畫江天晚色贈志學

不見呂君久題詩懷不忘風聲渾落葉山影半斜陽獨
鶴來遲暮孤帆出渺茫爲圖秋色去留寄讀書堂

垂虹亭

虛閣春城外澄湖暮雨邊飛雲忽入戶去鳥欲窮天林

屋青西映吳松碧左連登臨感時物快吸酒如川

題畫贈王仲和

曾住南湖宅于今已十年叢筠還自翳喬木故依然雨
雜鳴渠溜雲連煮木煙何時重相過爛醉得佳眠

題元璞上人壁

蕭條江上寺迢遞白雲橫坐待高僧久時聞落葉聲鴟
夷懷往事張翰有餘情獨擢扁舟去門前潮未生

寄王道士宗晉

王君舊隱地聞更結茅茨鶴斃春栽芋鷺羣雪泛池時
歌綠水曲不負碧山期夜雨生芳草令人起夢思

送僧

聞說四明道山川似若邪去依阿育塲還宿梵王家野
井封殘雪江船聚晚沙光公強健否持底作生涯

贈王光大

荆溪王隱士相見每從容借地仍栽竹巢雲獨傍松青
苔盤石淨嘉樹綠陰重約我同棲遁高高第幾峰

桂花

桂花留晚色簾影淡秋光靡靡風還落菲菲夜未央玉
繩低缺月金鴨罷焚香忽起故園想冷然歸夢長

題畫

甫里林居靜江湖遠浸山漁舟衝雨出巢鶴帶雲還漉
酒松肪滑敷茵楮雪閒春風一來過似泊武陵灣

寄張德常

卜宅近溪西雲煙咫尺迷晝眠同野鶴晨起候林雞舊
種松三徑春栽菊滿畦來禽與青李囊致不封題

六月六日盧氏客樓對雨呈維寅

無家隨地客小閣看雲眠涉夏雨寒甚似秋風颯然舞
鸞悲鏡影飛雁落箏絃好轉船頭去江湖萬里天

題畫贈九成

故人郊掾史邀我宿溪船把酒風雨至論詩煙渚前晨
興就清盥思逸愛春天復遇武陵守共尋花滿川

送李徵君過荆溪訪王司丞

何處尋狂客故人王子猷花落庭前樹風吹溪上舟紫

筍生春雨綠蘋滿芳洲心隨酒船發悵望不能休

懷寄強行之常州學官

君在西溪上年年楊柳春提壺坐柳下邀我見情真青
葉已垂帶白花還覆蘋別來今見柳思爾採芳芹

郊韶

過石塘洪

亂石成孤嶼中流截巨濤水清時見底沙淺不容舸度
鳥窺天影遊鱗觸澗毛前村江路迴纖月在林臯

谷口

谷口大星稀蒼茫夜景微草驚知鹿過潭響覺龍歸楚
舞誰相狎商歌自攬衣鹿門應有待莫遣壯心違

吳浦

山勢分吳楚江流接混茫昔年隔南北此地即邊疆民
近淮鹽市門通海客航行人敬風土云是子游鄉

爲靜巖上人賦半閒雲房

松下半間屋繞檐生白雲山香石上起華雨靜中聞埽
榻看桐影支筇對夕曛悠悠百年意世事任紛紜

送僧歸嚴陵

春船上瀨急歸路石濺濺白石百花靜清江初月圓偶
逢林下叟爲話竹間禪明發遙相憶青山生暮煙

倪元鎮畫

元館夏初度青林暑氣中開軒對流水坐石待薰風花

落葛巾側鳥鳴山几空經鉏者誰子散髮奏絲桐

送樊仲益省郎之解州

六月句吳國重逢樊省郎題詩過山館惜別度河梁淮
樹生秋早汾陰去雁長明年朱紱貴遙憶奉華觴

題九龍圖

九龍起幽壑百谷走春雷峽坼蒼厓斷天傾白浪迴朝
行神禹穴暮過楚王臺應有天瓢手爲霖遍九垓

登姑蘇臺劉從事索賦二首

錄一首

臺榭已蕪沒江山非昔遊鳥啼煙樹裏日落古城頭源
水聞吳曲青楓繫越舟望中衰柳色知是舊長洲

題宋氏綠野莊

御選元言 卷五
暮泊蘭陵郡朝過綠野莊飛花渡江闊垂柳蔭門長埽
地春陰合梳頭荷氣涼幾時重著屐來此話滄浪

小遊仙

旭日三危際春煙五色開誰知大瀛海似是小蓬萊靈
鶴傳書去神魚聽瑟來仙輶如少駐花底注深杯

至正庚寅臘月下澣予與琦元璞吳國良同寓
玉山時大雪彌旬日坐雪巢聽簫酌酒煮茗賦

詩俄有他故乘夜泛舟泊楓橋下雪復大作

山于彥成有越上之行余賦是詩以送之二首

長江幾萬里送子一扁舟日落雲帆盡天空海水流青
山無過雁白髮有歸鷗爲語乘查客何如汗漫遊

山陰有歸客雪夜泛扁舟一笑遽云別知君靜者流看
山對明鏡濯足起飛鷗還載一壺酒相尋賀監遊

秋夜獨坐有懷玉山徵君

庭樹葉初落鵲飛驚早秋玉繩猶未轉星漢忽同流楊
柳離亭思芙蓉別浦愁美人隔烟渚滄海信悠悠

次顧仲瑛晚泊新安見懷韻

長林夕露下一雁過秋天月照風燈外星沈夜水前美
人隔煙渚清夢落江船孤坐聞城漏迢迢夜不眠

姚文奐

和韻

天清望不極逸興晚來多新月弦初上秋華酒半酌水

光搖玉塵山色舞金鷺坐久衣裳冷移舟向澗阿
熊夢祥

湖光山色樓

移舟界溪上忽見海虞山山接空青外湖當慘淡間松
聲聽欲近帆影坐看還何處西風起漁歌下別灣

周砥

過任昉釣臺

雲樹參差短寒山迢遞明深春釣臺沒殘照夕嵐輕萬
化同斯盡孤名如水清誰悲范僕射千載見交情

過西澗

放鶴白石上曳履青林間近竹門自掩採樵人未還草

生西澗雨雲斂南湖山遊咏以終日相依道者閒

望頤山

曾著頤山屐穿雲古洞歸松浮仙嶠日花落女蘿衣翠
壑晴蜺飲丹房玉燕飛煙塵此時路長望一歔歛

送鄭同夫歸豫章分題百花洲

洲上百花明春流日夜生祇看維客棹無復渡霓旌落
日山如舊東風鳥自鳴蕭條千古意離別暗傷情

元日試墨二首

金鴨香猶吐風簾影自飄輕水生墨沼餘雪綴寒條茅
屋行堪賦山雲坐可招且無軒冕意隨分樂漁樵

萼綠花開未春醪已滿缸不須嗟往事且復醉幽窓采

筆雲千朶青霄鶴一雙平生江海興漸覺片心降
題宮人行樂圖

金宮遊素女玉笛弄清暉月殿龍香度風簾翠影飛雲
開移綵仗花落卷春衣莫買相如賦長門事已非

賦得晚晴送禪師

浮雲暮色霽空宇湛然清復念還山客遲遲南澗行新
禽響叢木殘照入孤城即此閒來往方紆塵外情

雨中一首

淒涼懷故舊寂寞卧丘園溪冷風蒲拆林高雨竹喧漁
人留野渡田犬吠衡門無限清秋意何從製一言

張簡

送徐教授曉山歸武林

三年言子邑寂寞鼓鳴琴官舍冷如水杏花春滿林化
風敦薄俗清氣集虛襟歸去吳山下青青草正深

次韻荅強仲端

花落紅雲島風生白玉題真人不出戶芳樹自成蹊埽
地雨初歇開簾鶯正啼此時不一見春思轉萋迷

瞿份

春暉樓以紅藥當堦翻分韻得紅字

岸幘華池上開樽芳逕中玉瓶分錦水紈扇度香風妝
靚舞衣薄嬌妥青雲紅莫辭秉燭醉妖嬈偏惱公

李瓚

春原

林樾風初協村原泥正融香蕪連野碧冶杏過牆紅塞雁歸天末巴鶯出谷中春光濃茗酒歡賞興何窮

李元珪

秋暮

秋色已云暮天寒未授衣異鄉三載客倦過幾時歸膠漆惟君久論心見面稀題詩寄清隱江國雁初飛

張師賢

送于彥成歸越次郊九成韻

江南歲云暮仙客泛歸舟交態浮雲變離懷逐水流雪空橫獨鶴沙際渺羣鷗劔佩山陰道知君獨重遊

沈性

晚泊新安有懷九成次玉山韻

溪行仍水宿夜坐散秋天月出青楓裏烏啼古驛前關懷在路汗漫問鄰船想憶同心者裁詩不待眠

張遜

題桃花溪

種桃如種柳容易得成花千樹恐無地平原堪卜家晚風迎窈窕春水繞汙邪久不通人問循溪步曲斜

顧達

澹香亭

玉樹浮春煖輕風扇夕清霏微通繡幕窈窕倚朱楹酒

御選元詩 卷五
壓霞光漱衣承雪色明徘徊顧林影華月又東生

沈右

次韻叔方先生兼簡伯行敬初二首

憶昔陪二子吟嘯野亭中風急江花白霜晴木葉紅去
留身若寄陶寫興無窮更喜陳夫子幽情訝許同
掩卷坐忘寐書燈耿獨明年華勞髮改夜氣與神清感
夢疑蕉鹿挑愁賴麴生何時重相覓握手話真情

次留笠澤別業詩

步屨春風裏翛然忘世情閒門無客到載酒泛江行雨
過山如染潮迴水自生鷗沙割千頃夢不到承明

劉西村

送鄭同夫歸豫章分題楓橋

涼風起蘋末送子過楓橋落日聞征雁空江生暮潮星
沉吳渚闊雲入楚山遙歸去秋堪把芙蓉葉未凋

金翼

送周仕宣南臺典史賦響廩廊

深宮風日靜鳴屨憶當時花襯珠嬪步春隨綵仗移錦
鳧雲窈窕香佩玉葳蕤我正慙趨步臺郎赴遠期

陸景龍

奉寄竹深識趣二先生兼簡泉上架閣

下榻徐高士彈琴魏隱君相望一溪水只隔半山雲每
憶朋簪盍俄驚客袂分登樓頻眺遠離思正紛紛

舒頔

獨步

獨步誰為侶谿邊有白雲情親鷗共狎機動鹿分羣細
草沿厓出幽花隔岸聞歸鴉背秋色飛過夕陽林

春雪

片片露芳草紛紛雜落花籬寒春雀陣檐凍午蜂衙雲
密深藏樹谿渾不見沙小窓風力惡呼婢莫烹茶

金晴

雲氣扶紅日江光漾翠濤煙籠淮樹遠天淨楚山高慕
道心誠渴憂時鬢獨搔明朝鍾阜去渡口買輕舸

白土嶺

野水孤城迴風雲浪積沙一方龍虎國六代帝王家玉
樹歌仍在新亭恨轉加凝情正寥落漁唱荅邊笳

茅岡鋪阻雨

巖谷幽棲士江湖嬾散身思鄉荆楚客憂國杜陵人年
老常防病時乖不厭貧滔滔浸平陸何處是通津

嶠源

谿回石欲動山斷路還通嵌石蘚花白颭林楓葉紅野
雞啄寒澗塞雁下晴空莫怪楊朱泣于今路更窮

舒遜

李謫仙

召對金鑾殿榮膺白玉堂氣吞高力士眼識郭汾陽醉

骨生疑蛻詩名死更香何由見顏色月落照空梁

和蔡原英暮春雜詠二首

處處鶻聲急春光大半非綠扶官柳暗紅點岸花飛竹
隴消殘靄柴門掩落暉高人尋友罷獨抱一琴歸
十日九風雨春來有許陰氣騰三島暝綠漲一江深苔
匝痕猶濕花垂力不禁遙憐杜陵老麻麥正關心

和人韻

山水有真趣琴書得自由歌詩哦字眼沽酒過牆頭南
國黃花景西風白雁秋何人發幽興吹笛倚江樓

題度洪富嶺道中

蹋破瓊瑤路行穿翡翠岑光搖鼇背穩迹印獸蹄深冰

瑩奩開鏡泉凝玉墜簪野梅香徹骨三嗅動微吟

周霆震

山村

寥落驚回首艱危厭久生野人羞費揖山石苦留行坡
雨初畦菜園霜未破橙小村風物古暫喜話農耕

楊翮

遊廣教寺次李生韻

勝日欵禪宮蒼苔印屐蹤雲間聞梵語煙外聽齋鐘樹
列千年檜林深百尺松明珠光錯落幽壑舞驪龍

張端

和傳可除夕

曆盡年俱往寒多火未銷為憐無去日翻恨有來朝世
路看何隘家山望更遙雙娥燈影裏剪綵待元宵

擣衣

為擣清砧素令人念藁砧近寒將雁至入夜正蛩吟霜
月三更杵關山萬里心金風何太弱不與送餘音

吳志淳

小姑山

長江數千里屹立一峰尊開闢由神禹朝宗自海門魚
龍藏白晝星斗動黃昏祇有孤舟客歸心逐浪翻

周南老

至正丁酉冬督役城虎丘連月餘賦詩八首錄

呈居中禪師錄一首

白髮趨公役驅馳上虎丘空惟追舊賞無復紀清游紅
葉自秋色青山慘暮愁凭軒凝竚久誰與話綢繆

魯淵

題馬文壁秋山圖為盧仲章賦

野館空山裏林泉象外幽淡雲初霽雨紅葉早驚秋路
轉山藏屋橋危岸倚舟直疑人境異便欲問丹丘

朱希晦

時事

貧病知交態驅馳愧老身薊門深雨雪淮海暗風塵雖
有樓船將能無柱石臣會須安反側早晚畫麒麟

納涼

無事解衣坐超然心境空
深林翳炎日萬壑來天風
閒停白羽扇試拂朱絲桐
醉罷不知夕月生滄海東

吳會

春晚

風雨春如客煙霞日似年
鶯歌把酒聽花落抱琴眠
樹暗藏書谷香流洗藥泉
好懷無處說誰與繫江船

江村

紅樹江村外黃蘆野水邊
葉深風落地禾偃澇餘田
雁鶩違寒日牛羊入遠煙
岸人連棘戶盡室避軍船

王中

華黃家洲客舍留別

數載俱流落相逢鬢已秋
生涯同寂寞書劍祇淹留
沙闊隨天盡江平帶日流
別離殊不愜回首思悠悠

田家雜興

煙火中林靜秋風歲律賒
清霜催橘柚落日照蒹葭
石逕通流水山橋卧古槎
武陵元世境不必問桃花

閒居述興

老來真懶慢林下復無營
樵牧通名姓禽魚識性情
卧聞黃葉落坐看白雲生
更愛茆齋夜冷冷風月清

懷方二叔子

聞說臨濠客衰年謫宦貧
愛憎多異報消息定誰真
得

御選元詩 卷四十一
失雖由命才名實累身平生交契重東望苦傷神

病後述懷

杖藜初雨後試步夕陽時草綠驚春久山深得暖遲病
多因識藥興短倦題詩寂寞無人問平居有所思

泊鏡口

日暮風濤穩扁舟泊此隅雲山歸夢杳鄰舫語音殊片
月寒江永平沙旅雁孤無才合漂泊不敢恨窮途

山中滯雨

涿酒千鍾醉衰年百念闌山深茅舍靜春暮雨聲寒花
事隨泥滓苔痕上井欄寂寥聞杜宇羈思若爲寬

華幼武

風棚

百尺虛結構松風起四簷遂令秋滿屋何用晝垂簾蔽
日雲常在當窓雨不霑翛然無限意叢竹淨相兼

清坐

驅馳欣暫息清坐感餘春細雨偏宜草疎簾不隔塵山
禽時引子庭鶴晚隨人幾負林泉約空嗟頭上巾

客樓夜雨

城郭易爲熱江雲起不難電光生夜白雨氣入樓寒書
葉仍防潤燈花不耐看祇緣聽亦慣竟夕睡偏安

宿蠡口

春風吹短櫂迤邐望歸程刁斗溪邊戍旌旗野水營市

橋人迹少官路馬蹄輕欲向東湖去邊烽永夜明

久雨

江雨灑還稀江雲濕更低不愁吳水闊惟恨楚山迷野
鶴思高舉林鳥慕穩棲漸看晴景好可得溷塗泥

葉顥

送應空谷上人遊吳尋師二首僕于湖山泉石

有疇昔之好末章故及之 錄一首

落日南朝寺吟筇幾度登欲尋前日路去訪昔年僧浙
水生新浪吳雲暗舊燈阿師如到彼為謝嶺南能

題應上人淨深精舍

一室纖塵絕爐煙貝葉經每呼明月至常遣白雲扃竹

色侵書幌荷香襲小亭晚來開甕牖放入數峰青

午窓睡起偶吟閒花落硯池小兒士廉率爾應

聲曰香絮粘碁局遂足成一律

睡起碧窓虛無人松影移庭空晴晝永徑靜夕陽遲香
絮粘碁局閒花落硯池遙看煙樹鳥飛過白雲枝

已酉新正

天地風霜盡乾坤氣象和曆添新歲月春滿舊山河梅
柳芳容穉松篁老態多屠蘇成醉飲歡笑白雲窩

春晴

曉洞雲歸濕春山草木新天桃含宿雨嫩柳裊輕塵
翅寒猶怯蜂衙晚漸陳香風簇羅綺已有踏青人

日暮江村雜興

釣艇已收緝無人深閉門雲生沙上石月出水南村寂
寞寒潮遠微茫煙浪昏孤舟中夜笛感慨動吟魂

山莊即事

策杖步松關銜杯看遠山青鞵陪月去翠袖裏雲還芳
草斜陽外落花流水間山林多樂意無夢到塵寰

江村晚景

野水溪橋外荒村八九家雨晴魚網曬風定酒旗斜紅
樹霜江葉黃蘆月岸花何當從此隱重整釣雲槎

春遊晚歸

小雨雜煙霏晴光弄夕暉
薦紅侵酒竿空翠潤琴徽
風

襲吟翁帽雲香野客衣
殷勤花徑月寒影照人歸

次韻賈逢源見寄

短髮凋秋鬢天風快晚晴
閒惟欣有味老不歎無成
白石和雲煮青山帶月耕
無心少年事慷慨樂從征

劉養晦

野館

安穩桐溪上時危久索居
蟻穿庭下穴蝸篆壁間書
野水臨秋迴山窓映月虛
十年戎馬亂歸計定何如

燕遺民

感懷二首

寥落吳山曲憑誰話起居
出門惟水石相見但樵漁
酒

熟還堪漉葵荒欲自鋤久深泉石想早晚賦歸與
泉石煙花淨林塘暑氣清幽花籬落見好鳥竹間鳴禾
黍皆豐稔桑麻自長成還聞茅屋底燈火讀書聲

王鵬

過西洞庭

元洲不復見縹緲即芙蓉玉洞連三島金庭第一峰芝
香雲氣暖竹色露華濃我亦尋真者行探虎豹蹤

郭鈺

秋望

長嘯動巖壑秋風生滿林片雲隨雁度疎雨約蟬吟燕
馬關山遠吳船歲月深歸來蘇季子何用苦多金

王志元邀度歲不及赴敬荅以詩

東門問來使晚歲許相迎野樹懸雲氣江波挾雨聲虎
飢寒更出驢瘦滑難行好是城南酒燈前只自傾

除夕

短日如年度寧知歲又殘鄉關一水隔風雪五更寒寄
食囊垂罄更衣帶盡寬主人供帳好獨作太平看

江路

江路雪稜層囊空仗友朋炊煙晨減米乞火夜分燈白
鳥踰青嶂蒼松舞翠藤鄉關長在望歸夢久無憑

憶弟

時危思共濟謀拙阻相聞念母誰無子持家爾不羣江

御選元詩卷第四十一目錄
煙寒織雨山鳥暝穿雲悵望歸無計悲啼向夜分

和王志元雨晴

客枕愁春雨漁歌荅晚晴殘雲棲樹濕新水與橋平穉
子買魚至主人窺筍生酒來即傾倒何問阻歸程

春雨

日夜雨懸懸問春春可憐好花俱薄命似我負芳年雲
氣低簾外江聲到枕前何時是寒食早已禁厨煙

山館

偏側不敢怨飛騰殊未能野猿時送果山鬼夜吹燈口
腹久爲累語言難盡憑白頭方檢束飽食愧飢鷹

御選元詩卷第四十一目錄

御選元詩卷第四十一目錄

五言律詩八首

劉永之十一首

貢性之四首

買閭四首

盛或二首

丁鶴年十首

吉雅謨丁一首

趙汾三首

汪克寬二首

金涓十六首

謝應芳十首

孔思吉一首

謝師善一首

徐士茂一首

顧常一首

楊明一首

田耕一首

丘處機二首

馬臻十三首

姬志真一首

吳全節一首

薛元曦三首

黃石翁二首

張雨十二首

鄭守仁一首

于立一首

蔣萸與二首

圓至一首

道英九首

希陵一首

善住二十九首

瑤一首

行端一首

清珙四首

至諶一首

逢一首

元本一首

祖柏一首

至奂一首

淨慧一首

宗衍三首

惟則一首

善伏二首

斯蘊一首

法智一首

大訢八首

本誠一首

善學六首

大圭一首

圓丘一首

孫氏蕙蘭二首

李黨學女一首

鄭氏允端二首

無名氏一首

衛芳華一首

御選元詩卷四十一

御選元詩卷四十一

御選元詩卷四十一

御選元詩卷四十一

御選元詩卷四十一

御選元詩卷四十一

御選元詩卷四十一

御選元詩卷四十一

御選元詩卷四十一

御選元詩卷四十一

御選元詩卷第四十一

五言律詩八首

劉永之

春日宴胡助教寓館次傅商翁韻

高館向山開相將海燕來蘭穀升玉俎椒醕瀉銀杯雨

竹藏幽鳥風花點綠苔傷春無限意偏憶豫章臺

畦樂園

郭南抱甕者久與世情疎砌長龍須草林開燕尾渠

轆花下轉蒿苳雨中鋤蔗熟能相寄酬君齏葉書

贈傅元賓兼謝梁徵士

百里訪柴荆秋原獨自行屐霑山雨滑衣染澗雲輕賣

卜應潛姓工詩不趁名故人枉書札煩為謝高情

溪山漁艇圖

夕陽延暮景秋色遠冥冥流水雙溪綠寒山九疊青石
樓依古木草徑接遙汀釣叟長年在何人問客星

和楊伯謙韻

酌酒長松下垂蘿拂酒杯異禽窺藥鼎乳鹿臥書臺澗
水穿林去山雲帶雨回相期同結屋不厭野人來

送吳德基赴安化令

春江望不極芳草綠江潯千里長沙道孤帆去客心縣
城依水國吏語帶蠻音到日應無事華亭自鼓琴

玉峽潭陂山莊

歲杪涉風煙連村熟芋田路危楓葉斷石險桂根縣鹿
柵成山壘漁梁阻澗泉爭心逐時化耕鑿喜安然

題張四孝廉山居

家住秋山下紛紛霜葉飛雨微檐滴緩風急鴈聲稀楚
國戰初罷贛城人未歸憐君奉甘旨終歲掩柴扉

經湖口縣

古縣開湖口高檣集岸隈山從廬阜起江向武昌來近
水皆楊柳荒城半草萊客心元自速更遣曉風催

題方方壺畫仁智圖為道士王默因賦

玉檢神仙記瓊臺羽士家軒窗明日月冠佩翦雲霞白
鶴窺殘奕青童掃落花憶曾訪丹術楓徑駐輕車

御選元言 卷四十一
陳君心吾以黃鼠筆見貽此筆唯京師多用之
正餘中江南罕得也賦此贈之即日民風萬雲霞白
冰鼠金毫銳霜筠翠管長攜來南郡遠制出北州良內
史來禽帖黃門急就章秋林多柿葉揮灑興難忘
貢性之

梅花扇

香雪綴晴梢東風暖未消路經蘇小墓船泊段家橋瘦
倚吟邊竹寒低月下簫逋仙杳何許千古若爲招

過破衣菴訪阮子昌

行過河西曲來尋小阮家繞籬都種菊十月未開花遠
樹含秋色輕雲護晚霞也須頻到此隔屋酒堪賒

題畫

窗戶碧玲瓏看山面面通樹涵雲外雨涼度水邊風淪
茗噴童嬾揮毫對客雄笑談如著我也入畫圖中

題王師文半篷春雪圖

香是臨流得詩因倚權成岸移驚樹轉牆礙覺枝橫似
隔僧廬見如緣閣道行榜人歌斷處疎影月三更

買閭

和年弟聞人樞京城雜詩

鳳詔頒初罷花陰轉玉墀鹽梅調鼎鍊絲竹奏咸池風
靜爐煙直雲開扇影移紫薇花下客爭賦奪袍詩
霄漢樓臺湧春風燕雀飛櫻桃臣舊賜首蒼馬新肥清

漏傳銀箭紅雲護衮衣窮經晚進士慚授一官歸
雪

朔風吹破屋曙雪下繽紛六合渾清氣千山盡白雲老
蛟深閉蟄獨鴈遠呼羣想像西湖路梅花瘦幾分

春雨有感

曉雨連山白春雲壓地陰叢篁棲雀亂芳草落花深水
闊西江眼天長北闕心孤桐閒在壁忍操越南音

盛或

過漢浦塘有感

涼飈生綠浦鳴櫓對青山感舊人何在傷秋客未還身
名難自保世事故相關誰識桃源路攜家老此間

往歲攜妻子小龍江上村主人親補屋鄰父共開尊一
別迷雲樹重過掩葦門欲尋題壁字嗚咽不能言

丁鶴年

汨汨在塵埃

汨汨在塵埃羈懷不暫開病將顏玉去愁送鬢絲來招
隱慚高蹈扶顛乏大才行藏成兩失回首有餘哀

送四兄往杭後寄

臨別強言笑獨歸情轉哀離魂悽欲斷孤抱鬱難開太
守隄邊柳徵君宅畔梅過逢如見憶煩寄一枝來

逃禪室臥病簡諸禪侶

高秋多病客古寺寄黃昏野迴常疑虎天寒早閉門離

愁燈下影鄉淚枕邊痕賴有諸禪侶情親似弟昆
登北固山多景樓

風月無邊地乾坤有此樓城隨山北固潮蹴海西流眼
界寬三島胸襟隘九州階前遺狼石誰復話孫劉

春日海村三首 錄二首

地僻囂塵遠人稀習俗淳花時恒獨往隨意踏晴春斑
竹過頭杖烏紗折角巾蕭然多古意何媿葛天民
門巷絕輪蹄春深綠草齊風光不相負泉石且幽棲卷
幔通花氣移牀避燕泥時時得佳句自向竹間題

寓慈湖僧舍次龍子高提舉韻

迢遞過蘭若淹留為竹林疎鐘雲嶠迴孤竹兩窗深長

嘯非懷昔狂歌豈避今祇緣諸漏盡不受一塵侵

武昌南湖度夏

南浦幽棲地當門罨畫開青山入雲去白雨渡湖來石
潤生龍氣川光媚蚌胎芙蕖三百頃何處著炎埃

病衰

病骨秋增痛衰容日減華臉霞憐竹葉鬢雪妬菱花往
事嗟何及歸程望轉賒少年歌舞地此日屬誰家

贈李仙姑

何年萼綠華來降地仙家花擁青鸞節香隨白鹿車清
輝迴雪月元想結雲霞不赴瑤池宴桃開幾度花

吉雅謨丁

秋過弟鶴年書館夜話

弟兄惟吾老宗族有君知
萬里尚為客百年能幾時
秋清妨熟寐夜靜話貞期
明日匆匆別還生兩地思

趙訪

江彥明來訪

敲門知有客已謂是君來
亂後交游少秋清懷抱劇
談無可諱信筆不相猜
木落山容淨樓居且莫迴

病中和伯友絕糧韻

貌比年加老憂如病轉深
風檐驚浙瀝竹徑怯陰森
獨主籌家難朋來阻歲祲
遠書思過鴈危坐自沉吟

次韻玉瑯雲隱圖

并序

番陽王本善故居懷玉山之北號曰玉瑯雲隱鄉
先達進士董公為之記和陽王使君為之賦又得
星源韓徵君為之圖余嘗過本善所寓見其淨埽
一室琴書圖畫與弓劍雜前培桂植菊怪石纖蒲
幽潔可愛蓋能審已推分隨所寓而安視竄名尺
籍而有所顧願者不同科也乃次使君韻附于卷
末以釋其幽思云

馬上劍三尺山中雲半間
無人尋草迹有虎臥柴關
解甲端俾後懸弓定地還
胡為思舊隱畢竟復誰閑

汪克寬

和唐宰山行

山縣千峰疊閭閻雜嶮夷雨香魚撥刺風軟燕差池郭
外耕夫耦桑中穉子嬉絃歌聲教遠民俗變澆漓
夜

元觀空山靜秋風晚更清嵐光連霧氣松響亂泉聲竹
戶流星近蘭階落葉平夜寒人不寐獨對一燈明

金洧

秋夜

四望秋無際凭闌夜未央星榆晴舞葉月桂冷飛香人
澹琴心苦林幽鶴夢長此情當此夕誰肯賞淒涼

山莊

青村溪盡處林密隱孤莊石老莓苔路門荒薜荔牆人

行秋葉滑鶴立晚松涼治畝農歸後蓑衣挂夕陽

江村

寂寂江村路輕煙晚自生遠峯晴有色獨樹暖無聲渚
鷺行看水溪魚賣入城孤舟人不渡兩岸夕陽明

舟次漁浦

雙溪東入浙終日坐危舟流水遠明目小篷低壓頭煙
村鴉入暮江國鴈賓秋一片淒涼景安排獨客愁

浙江曉渡

片帆風力飽涼氣碧颼颼江闊欲沈鴈天空惟見秋漁
歌聞四起人影在中流隔望秦峰出東南第一洲

舟次嚴灘

八月桐江曲青蘋未著花亂雲低壓樹細水淺流沙到
郭無多路依山有幾家故人成遠別相望各天涯

雨後書懷

畏俗久不出其如此意何鬢毛詩白盡山色雨青多曲
偃行蛇草圓生浴鳥波與誰專一壑同和采芝歌

康湖山居

康湖環十里半世樂吟身白屋居寒士青山是故人松
多天不暑瀑近地無塵頗得漁樵趣生涯日又新

別徐處士歸嚴州

浙水連天白輕帆帶雨飛榻懸高士去釣在故人歸秋
盡鴈初過江空魚正肥君如招伴隱我正欲相依

旅懷

江湖爲客久歸計與誰論春色草無路雨聲人閉門薄
衣知酒暖病眼覺燈昏蜀水家邊景連宵役夢魂

江樓有見

睡起無忙事寒多不下樓櫓聲和鴈去江影照人愁山
碧雲初曉林紅葉正秋琴書無恙否我欲問歸舟

自述

索居三十載一硯鐵穿磨學淺非時用人生奈老何竹
房來暝早花塢聚春多靜坐無餘事門前水自波

村居

荒草無行路人家隔小溪雨多嵐氣重石少水聲低病

鶴依松立寒雞傍砌啼近來渾懶動靜處欲幽棲
蜀墅頭

溪頭自舒散天澹夕陽微拂石松邊坐看雲水上飛舊
磯雙鷺下小櫂一漁歸不覺吟成久苔痕濕上衣

雲門道中

三月山南路村村叫杜鵑白雲千嶂曉斜月一溪煙水
冷長松井春香小菴田何時移別業來往繡湖邊

秋夜有感

苦吟人不寐中夜啟幽扉明月霜初下西風葉正稀家
貧豚有子天冷客無衣感事忽如夢孤螢入我幃

謝應芳

崑山時州治移居太倉

孤峯雲疊疊舊邑草蕭蕭覓石敲新火挈舟趁早潮沙
田紅稻熟溪網白魚跳寂莫悲秋客篷窗酒一瓢

避雨

繫馬度亭東題詩野店中長河飛白雨高樹灑清風州
界纔相接鄉音便不同野人來問字錯認是揚雄

贈道傳上人

偶識廬山遠山莊借客居撥雲分臘酒踏雪送寒蔬門
俯溪光迴窗含野色虛相過兩不厭燈火案頭書

舟中懷辛至善

春草綠如許之人猶未歸江東雲度水馬上雨霑衣王

事驅馳久家鄉信息稀多情舊時燕還繞畫梁飛
贈章彥復省掾

相約攬秋色淞江來小舟留人十日雨洗耳百花洲
祖
逃鞭方著張良箸可籌吾廬吾自愛霜菊晚香幽

顧仲瑛避地嘉興幾二年聞回崑山往不見遇
作詩寄之末章兼簡白西長老二首

細雨清明日扁舟過玉山傳書元有誤飛鳥竟無還
芳
草萋萋碧落花點點斑題名牆外竹黃鳥正間關

客來常問信書去半沈浮兩度黃梅雨相思白髮秋
樵
漁今短笠山水古長洲寄語天寧老龜巢賦詠不

結茅東郭歲晚言懷

過客應相笑衰翁未得閑酒經方補注詩橐又重刪
藜
杖家家竹籃輿處處山數朝天色冷高臥掩柴關

次韻言懷二首

風冷柴門閉齋居縮似蝸小橋平陸里識字老農家
野
飯常留客村醪頗勝茶早梅谿上折斜插膽餅花
貧居家事少客去跋溪閒茅屋牽蘿補蘭階擇草刪雪
添南浦水雲暗北窗山孰謂寒如許雞鳴客度關

孔思吉

題破窗風雨圖為劉性初先生賦

寓館臨茗水清吟破寂寥軒窗秋淡淡風雨夜瀟瀟
研
沼沾應濕書衣亂欲飄曉來佳客至留話且停橈

謝師善

菊山詩

水精宮裏客不用住柴桑溪上曉雲碧籬邊菊正黃歲
華甘自老晚節為誰香安得淵明酒看花醉夕陽

徐士茂

送張德常之松江府判官

喜聞張別駕聽鶴到華亭屢試匡時策猶傳教子經篆
香凝燕寢書舫泊鷗汀遙憶題詩處青山繞郡廳

顧常

送吳縣之官嘉定分題賦得夫椒山

夫椒洞庭野積翠宵冥間水倒青蓮影雲梳玉女鬟迴

峯驅越騎掛月照吳關今古皆陳蹟傷離慘別顏

楊明

題破窗風雨圖

十載江湖夢滿空風雨宵窗虛聲易入燈暗手慵挑竹
洗千竿翠林喧萬鼓潮東南枯渴甚藉爾倒天瓢

田耕

秀野軒詩

門掩雨餘苔時因看竹開客閑棋響罷犬吠履聲來雲
冷埋琴薦花繁近酒杯高情與幽思只是覓詩材

丘處機

寄燕京道友

御選元言 卷四 楊明 田耕 丘處機 馬臻

御選元言 卷四二
此行真不易此別話應長北踏野狐嶺西窮天馬鄉陰
山無海市白草有沙場自歎今華髮還來歷大荒

登壽樂山

地上臨邊塞城池壓古今雖多壞宮闕尚有好園林綠
樹攢攢密清風陣陣深日遊仙島上高視八紘吟

馬臻

遣興

長日閉門坐軒車誰與親鶯花欺白首鮭菜足青春今
古斯文在江湖舊業貧丹心不可道風雨夜來頻

吳江夜泊

不見天隨子令人逸興孤村砧聲自荅岸鳥語相呼河

漢回西極星辰入太湖古情吟不盡明月照姑蘇

田家

地偏生事僻轉覺入城遙犬吠三叉路人行獨木橋炊
煙時滅沒村酒自招邀昨日蠶新浴柔桑綠滿條

德清夜泊

遠色變昏晦卸帆依淺沙浪搜盤岸木風逆赴巢鴉細
草官塘直長煙野日斜寒機聞夜織燈火是誰家

聞鴈

知汝幾時到先令獨客聞雨昏低度屋風急亂穿雲衡
岳路猶遠吳江夜正分如何傳素札爲我弔湘君

野宿

御選元言 卷四十一
野宿投村舍，寒衣度石砮。鄰雞喧暮柵，寒蟹上燈窗。戍鼓凌雲擊，城鐘入夜撞。蕭蕭楓葉下，鴈已過吳江。

野步

野色畫難染，杖藜春水邊。新煙榆木火，遲日杏花天。村酒傾壺濁，溪魚入膾鮮。人生行處樂，莫負杖頭錢。

久客

白露變榆柳，滿城砧杵催。故園經歲別，遊子幾時回。且盡山公酒，難將驛使梅。秋聲不可聽，永夜獨徘徊。

早春聞笛

萬里南州客，離家又一年。春回首蒼地，笛怨鷓鴣天。趁日裁烏帽，尋人賣馬韉。歸心憂賦役，負郭幸無田。

西湖晚思

日落湖水黑，衆山生遠塵。船回載酒客，樓倚獨吟人。老態多思舊時情，只貴新籬邊。古梅樹開謝，幾年春。

旅夜

自慚身世拙，客裏更關情。月樹回涼影，秋聲疊夜砧。道能忘畏壘，酒不破愁城。睡薄吟魂冷，西風亦屢驚。

湖樓夜坐

孤樓侵樹小，老鴈入雲迷。月暗水光白，夜深鄰語低。鐘聲傳下竺，梅信失西溪。偶憶曾遊寺，塵昏壁上題。

冬至即事

結屋傍湖水，對門三四峯。心灰無復煖，鬢雪近來濃。孤

鴈雨中過短書燈下封平生故人意衰老不相從
姬志真

紫微東墅秋日

農家收百穀爽氣自西郊屢埽階前葉重添屋上茅霜
凌紅錦樹寒促鬱金苞不見人牛在惟聞牧豎嘲

吳全節

三峰

三峰琳宇狀松老鶴知還江白南徐月樓青北固山浮
雲通地肺古洞敞天關寄語尋仙者蓬萊只此間

薛元曦

燕粟總管翫芳亭子

粟氏林亭好飄飄借馬遊藥闌當戶密花逕近城幽未
許朝叅嬾聊為逸興留使君行樂處風物為春柔

送李理問赴嶺北省二首

君向龍沙去迢迢不計程關山殊漢苑河隴異秦城青
草明妃塚黃雲屬國營盛年經此地往事肯傷情
畫省開邊鄙郎官選俊才臂鷹過鴈磧走馬上龍堆氣
候調中律星辰接上台何當瓜及日却向晉陵回

黃石翁

客語

舊時供奉曲歌者亦無人但感歲年晚不知天地春客
猶談寶慶吾亦及咸淳何處楊花過飛來照角巾

世故一炊黍吾生百煉銅客情傷髮白醒眼對榴紅遠
岫冥冥雨疎衣細細風欲論千古恨不見楚南公

張雨

風雪中得金陵諸公詩二首

雪作衆禽驚窗幽亂霰鳴愕然身獲落暮矣歲崢嶸松
竹聊娛拙乾坤若忌名故人不相貸書札到柴荆
落木從風靡支流趁谷斜山空不須說歲去若為遮飢
雀掃窗紙寒魚嚼雪花推書更清坐席煖到昏鴉

湖寺擁碧軒

喧寂一塵隔湖濱出寶坊荷陰分補衲水氣雜燒香書

勘烏皮几茵敷白氎牀從來已公屋詩客許徜徉

寄洞庭王子正

洞庭山似簇銀闕翠芙蓉安得滄浪子同尋縹緲峰魚
龍隨水落橘柚待霜濃未必桃源似雲帆躡去蹤

齋居偶興

絕澗多靈石中開小洞房醉醒依竹素晴雨看梅黃樹
暗鶯聲澀巖虛水韻長未能超賈馬自足上羲皇

午日簡楊廉夫

客有擁琴至吾寧折簡招足音垂谷口雨氣截山腰酒
倩紅泉瀉花為絳節朝不嫌泥濘極一舸段家橋

雨中

御選元言 卷五十一
推枕蘧然覺高齋人跡稀卷簾芳草短看雨杏花肥薄
暮寒仍在中林願稍違一遷隨谷鳥喬木是耶非

除夜

忽忽歲云暮徒興白首嗟山留待伴雪春禁隔年花把
卷因遮眼分錫且膠牙自緣身懶惰莫遣送窮車

澗北梅三月始華

陰澗殘梅枿臨流一向欹但存孤注在敢恨一生遲凍
雨如相煦春寒不受吹後時翻見獨宰物遂成私

菌閣

巖架菌芝閣榜題松雪扉雲來畫簷宿龍向墨池歸對
几琴三疊倚闌山四圍仙靈能夜降應得噉元機

早秋

每嫌新酒少尚喜故交稠籬落三家墅梧桐十日秋月
生微顧兔星淡沒牽牛亦欲觀多稼江湖雨未周

開元真人見貽劉商觀奕圖石刻毫髮布縷皆
盡精妙蓋李龍眠臨唐畫本茅君彥模勒為玉
局仙翁所藏云

薪桂蘇蘭者能來立坐隅徒聞玉楮刻遂信石枰圖妙
蹟傳仙李高名重大蘇向來林下意不敢易樵夫

鄭守仁

和句曲張外史韻寄上清薛外史

明月照寒水清霜積厚冰知君多念我為客獨依僧湖

海十年夢詩書半夜燈忽聞江國鴈寫寄剡溪藤

于立

次韻

過雨收殘暑西來水似天秋風生柁尾明月落尊前
慘澹依山寺欹斜下瀨船清歌不成調思爾枕書眠

蔣萇與

周侯祠

墳穿金甲去英氣孰能齊射虎城南麓斬蛟祠下溪
政聲傳宇宙文燄拂雲霓莫怪征西事令人倍慘悽

徐雲

苦憶蛇山勝雲峰最上頭江流倚天白嵐雨入簾浮野

鳥朝飛去山猴夜不收儘堪怡歲月何必問丹丘

圓至

送宗岳歸青蓮

布囊詩幾卷歸計亦淒涼不惜經時別應知聚日長
石峰蒸玉氣井水浸蓮香曾許為鄰寺招余住竹房

道英

寄蘭壑宗長

同宗同在旅彼此繫微官所去無多遠其如相見難
連雲秋樹老卷雪暮濤寒幾度空江上思君獨凭闌

客夜有感

十載紅塵海漂流笑此身山川孤館夜風雨獨眠人嗜

茗真成癖工詩不療貧還家須及早垂白有雙親

宿睦州祖師菴

菴依兜率寺小憩俗心灰竹密暑不到窗虛風自來山
昏飛鶴下磬斷定僧回拂拭殘碑看年深厚綠苔

倪秀才歸越

君歸何處所迢遞浙江東千里故人別一尊今夜同客
愁燈影外蛩語月明中潮水將離思茫茫逐去篷

重游淨慈憶沅禪師

慧日峰前閣重來百感增空存黃面老不見白頭僧道
偈書猶在埋銘刻未曾有詩行已久何必上傳燈

寄祖雍上人

破衲卷秋雲入山深更深似聞營梵刹應不礙禪心寒
瀑瀉蒼壁晚花生古林遙思明月夜誰聽穎師琴

勝禪人遊廬山

飄然廬嶽去破衲共枯藤此地山林勝令人肌骨清蓮
開千柄雪瀑挂一條冰五老如相見煩君爲寄聲

寄劉仲鼎山長

我已浮屠隱君仍冷掾遊向人空說項何地可依劉風
雨殘燈夢關河落木秋近聞吟更苦應是雪盈頭

梁秀才南歸

交情方脫略忽爾話歸期萍水相逢處梅花欲寄時蠹
多投店懶馬瘦到家遲去去西湖上春風柳未絲

希陵

山中

心多與世背獨未與詩忘得句忽自喜從人道我狂溪
光和月白露氣滿山涼自笑甘清苦年來髮已蒼

善住

秋居

棲遲寄窮巷不異住荒村寒草生枯樹秋苔上敗垣眾
山皆繞郭一水獨當門抱甕非吾事乘閒學灌園

秋日野望

寂歷村橋畔夷猶野望時路長征騎疾風定去帆遲城
晚牛羊下天秋草木衰數聲何處笛渺渺隔煙吹

贈隱者

生無軒冕志老不釋漁竿對食慚周粟紉衣尚楚蘭江
城猶雨雪花柳政春寒窮達皆由命初非行路難

鄧隱君牧

標格類孤鶴翩然獨往還彈琴坐白石把酒看青山鬚
鬢經年改身心竟日閑料知塵世事無復得相關

送人之冷泉

茲游無伴侶遠樹獨依依日落征帆急天寒過客稀斷
雲隨竹錫殘雪照麻衣應渡西湖去聞鐘入翠微

楊花

池塘春欲暮散漫復霏微未得為萍去先來作雪飛帶

泥黏燕背和雨點人衣向晚東風急飄零無所歸
送白雲之鄞

澤國東南郡迢迢接會稽人煙逢海斷山木與雲齊夜
汲分波月晨征候店雞却愁孤錫返草暗竹房西

歲晚二首

蘭若依城市蕭條門巷深夜闌春漏斷窗近曉寒侵書
幌無燈火禪堂有磬音幾番清楚罷紅日上遙林
陋巷寡輪鞅開門對翠屏冰銷春水綠雲盡晚山青
嬾來孤筵熒熒見小星亂鴉棲已定猶自步閑庭

蟋蟀

西風吹蟋蟀切切動哀音易入愁人耳難驚懶婦心寒

燈孤館外秋雨古城陰聽極無由寐終宵費苦吟

宿山寺次韻子封先生

暝投雲際寺深殿一燈微海底月已出山中僧未歸澗
聲經雨急林影入秋稀明發尋征道還愁露濕衣

寄友生

分違若未久相憶似多時後會將何日重來預作期夕
風翻急浪寒月隋高枝寄語同人說詩翁鬢已絲

晚望懷巖栖翁

晚望荒臺上孤筇手自持柳條擎雪重溪鳥遡風遲枯
草春還發陰雲凍不移何當高世者來此共題詩

寄中峰長老

御選元言 卷四十一
中峯峯頂寺長憶舊游時雲暝鶴歸急山深月到遲亂
藤縣雨壁壞帛挂風枝終亦攜瓶錫相從支遁師

寺晉支遁禪師

道場

賈葉

霜後色初變風高始亂零和雲流遠澗雜雨下空庭埽
處兼僧影燒時帶鶴翎翻思在春日繞屋政青青

送中上人歸里

相留已無計欲別手重攜客路連愁遠鄉山入望低野
花秋寂歷江草晚淒迷舊隱重歸日寒蟬夜夜啼

秋夜獨坐

解帶坐盤石脩然四體輕夜涼蛩語細天淨月華清孤

燭明深殿哀笳起廢城寥寥塵境外誰識此時情

次韻登石城

振策登危堞東風鴈北歸清江愁外闊遠樹望中微草
色和煙重鷺聲帶雨稀緬懷千古事客淚隨麻衣

寄宋子虛

儒釋門雖異詩書味頗同有心依澗壑無意謁王公午
鼎篆煙碧夜燈花穗紅曾聞少年日幾度過遼東

嘉定顯慶寺

艤櫂逢精舍松扉晝不扃暮雲兼雨黑寒樹帶煙青鳥
散庭還靜龍歸水自靈徘徊未能去石塔語風鈴

餘生

御選元言 卷五
短鬢霜侵久餘生懶問交愛閑忘俯仰養靜倦推敲花
露懸蛛網芹泥落燕巢有時幽興劇扶杖出衡茅

秋懷四首

涼風動寥廓庭下草初黃病骨知寒早愁懷覺夜長孤
城淹歲月重露迫衣裳黑髮渾無幾尤宜事退藏
砌冷候蟲急燈昏幽夢長秋風吹草木天氣入淒涼門
掩荒城月鴉啼古堞霜無成今白首身世轉堪傷
礪曲獨盤旋人間事屢遷艱難銷壯志衰朽惜殘年世
有還珠浦生無種玉田歸來華表鶴亦勸學金仙
抱景坐虛室脩然誰與同像金輝夕燭簷鐵響天風汛
大潮應滿林深葉未空江南秋欲老腸斷北來鴻

陪山村先生白提舉宅清集

展席當清晝凭軒野思饒苔隨屐齒陷雪入酒杯消看
竹鶴先舞彈琴梅自飄風流餘二老相對話前朝

盆竹

瓦缶不多土娟娟枝葉蕃豈知么鳳尾元是古龍孫蒼
雪灑禪榻細香浮酒尊王猷來此見應亦為銷魂

舟次吳江

客路渺無際崎嶇何日平積煙迷遠樹殘照下荒城水
宿先歸港朝行暗計程長橋知漸近笳鼓隔林鳴

寶帶橋

運得他山石還將石作梁直從隄上去橫跨水中央白

鷺下秋色蒼龍浮夕陽濤聲當夜起併入榜歌長

瑶

遊虎丘有作

寺古多佳致重閑遠訪尋樹根搯殿脚塔影落池心坐
久雲凝石吟多風滿林相看已迫暮歸鳥入煙深

行端

寄晦機和尚

流落似孤蓬君西我在東二三千里外一十五年中老
去頭毛白寒來樹葉紅所期盤石上松月夜禪同

清珙

溪巖雜詠

錄四首

一鑿足生涯居山道者家有功惟種竹無暇莫栽花水

碓夜舂米竹籠春焙茶人間在何處隱隱見桑麻

紅日半銜山柴門便掩關綠蒲眠蓐軟白木枕頭彎松

月來先照溪雲出未還迢迢清夜夢不肯到人間

扶杖入松林閑行上翠岑鶴羣衝鶻散樹影落溪沈野

果棘難採藥苗香易尋澹煙斜日暮紅葉半巘陰

結草便為菴年年用覆苫紙窗松葉暗竹屋蘚花黏麥

飯惟饒火藜羹不點鹽生涯隨分過誰管世人嫌

至謙

寄虎丘逢上人

短簿祠前客才華老更成題詩臨劔閣把酒對江城雪

乳香初泛冰絲韻轉清空山坐相憶寒月到窗明
逢

遊虎丘

憶昔少年時來遊短簿祠細臨顏魯字熟讀老坡詩塔
影人登閣車聲水上池安知垂白髮重此得栖遲

果林元本

東許廷佐

近聞新出處水北古招提鵬鶚凌塵出驂騮顧主嘶失
弓還問楚抱瑟謾過齊道上將軍柳詩篇莫浪題

祖柏

誠道原溪山晚霽圖

微雨過溪上青山草閣前牛羊知返逕童稚喜歸船煙
樹村村鳥春泉處處田披圖憶芝阜頭白尚安眠

至魚

春草池綠波亭

為愛幽居好清池近草堂雨晴春澹沲月白夜光芒憶
弟情何極題詩興不忘祇應無俗事濯足向滄浪

淨慧

寄梅雪朱隱居

何處風篁好漁莊路匪遙水先清暑簟花映赤闌橋座
客分詩卷鄰姬浣酒瓢離懷無可贈清夢過蘭茗

宗衍

御選元言

卷五

祖柏

至魚

淨慧

宗衍

秀州東郭舟中

自在眠沙鳥參差入郭舟
山林吾計拙天地此身浮
曉氣成雲住晴波雜霧流
攬衣疑厚薄十日暖如秋

吳江晚泊

風壤三洲接江湖一水分
虹消滄海雨日落洞庭雲
客意終難盡漁歌不厭聞
長思陸魯望不出可忘君

楞伽寺

疊嶂來山尾平湖對寺門
登危逾近郭望迥更連村
客醉迷花畔樵歌坐樹根
不煩留煮茗雨過井都渾

惟則

送時無擇維那歸闍

百計歸難禁生緣樂未窮
聽鐘榔葉雨欹枕荔花風
客久閩音化交深楚俗通
片帆明日遠雲斷海天空

善伏

復登方丈小樓次孟學韻二首

黃葉下松徑驚看天地秋
亂山晴對戶皓月夜當樓
野迴煙光薄溪清水氣浮
坐陪元論久終夕竟遲留

溪山逢俊彥濟濟豈凡羣
秋興懷張翰時名並陸雲
幽花平檻發啼鳥隔林聞
久坐多餘興詩題更共分

斯蘊

次李德輿韻錄似良夫

林深人跡絕石冷凍雲多
自得琴書樂從教歲月過
玉

御選元言 卷四十一 大訢
泉涵硯沼金磬出煙蘿東閣觀梅興時來水部何

法智

閶門晚歸和韻

郭外罷持鉢晚涼歸路幽鼓鐘煙際寺燈火水邊樓藜
杖苔痕濕荷衣月影浮禪翁歌白雪才薄愧難酬

大訢

佛智師歸仰山

蚤發扶輿拜燈明愛白頭故鄉元自好游子獨淹留壯
業真何用孤懷未忍休始終存衆望不敢畏離憂

送張用鼎遊燕南

天上知名久由來漢客星江湖歌白雪風露滿青冥巴

蜀須傳檄燕山待勒銘壯夫期遠大不獨抱遺經

次韻甯宣尉

將門三葉貴古劔削霜刃霧卷烏鬘淨風生碧海清投
壺驚甲帳飛墨動雲屏未愜清遊興松房聽雨聲

送別

沙鳥高低語江雲斷續飛青山攜手別秋日故人稀落
落芳心在悠悠昨夢非歌長不用續鯨浪暗吹衣

送薩天錫照磨赴燕南憲幕

蕭寺留詩別高懷不負公江聲元自急山勢古來雄下
榻疎鐘雨登臺落木風重來無幾日除道避乘驄

楊執中幼與予同舍自予去鄉里一別四十五

年矣乍見俱不相識承惠詩二首次韻謝之
勛業雙蓬鬢江湖萬里心扣舷山月近欹枕夜濤深多
士懷東觀何人賦上林只將絃上趣白雪寫遺音
青衿巷南北雞犬識比鄰驟面初疑夢論交晚覺親文
章元有命耕釣豈無人老矣非吾願滄洲合問津
次韻奉荅吳可堂左丞致政寓九江見貽
晚節陶元亮平生賀季真雞豚栗里社賓客午橋春風
物三生夢功名百歲身種蓮每負約金地不生塵

本誠

秋晚溪上作

日暮東溪上秋深景寂寥葉稀林影薄水落岸痕高野

燒明江島漁舟入浦橋故人煙水隔悵望首空搔

善學

大宿晚村

眺望前村近桑麻路欲迷過田衣拂水緣徑屨沾泥遠
嶠寒煙合空林夕照低村翁留我宿也解說禪棲

遇隱者

杖策雲間去迢迢入薜蘿踐崖登白石行逕踏青莎樹
密連居址橋危隱竹坡人煙皆四絕惟我獨經過

宿荒院

行歸山院晚煙火隔人家垣倒自來鹿草深多聚蛇空
廊無月照古殿有雲遮年代尋碑辨文章半蘚花

舟泊

水國微茫處凝眸景趣多天光船底漾雲影棹邊拖動
我清幽興聞他款乃歌不知臨去晚落日蕩狂波
江靜雨初收湖光滑似油岸如隨棹轉山欲趁波流牽
興多浮荇忘機足野鷗夜聞漁父笛欲破一天秋

山房獨坐

山房無一事西日送殘曛飯取胡麻煑香將柏子焚草
坡聞牧笛松塢響樵斤怪底窗昏黑簷前一片雲

大圭

善五日弔古

楚國大夫去彭咸從所居祇今浮水馬何處問江魚異

俗悲遺事離騷讀舊書一觴川上酒斜日雨疎疎

圓丘

瀑布

滿目飛晴雪丹青見白虹天機乘不盡地軸卷無窮蕩
漾沈寒玉飄零散冷風人間何處著應直到龍宮

孫氏蕙蘭

綠窗詩

窗裏人初起窗前柳正嬌捲簾衝落絮開鏡見垂條坐
對分金線行防拂翠翹流鸚空巧語倦聽不須調
小閣烹香茗疎簾下玉鈎燈光翻出鼎釵影倒沈甌婢
捧消春困親嘗散暮愁吟詩因坐久月轉晚妝樓

李黨學女

詠巴家富詩

誰道巴家窘巴家十倍鄒池中羅水鳥庭下列蝸牛燕
麥紛無數榆錢散不收夜來添驟富新月掛銀鈎

鄭氏允端

讀文山丹心集

籍甚文丞相精忠古所難舍生歸北闕效死只南冠血
化三年碧心存一寸丹偶攜詩卷在把翫為悲酸

題畫

誰貌江南景風煙萬里寬金銀開佛寺紫翠出林巒遠
客馳行役幽人賦考槃蒼茫無限意撫卷為盤桓

無名氏

脩竹

脩竹深深處人間俗慮消時將碧玉調寄與白雲謠雪
乳臨風淪冰花對佛燒思君不可見乘興動蘭橈

衛芳華

聚景園

湖上園亭好重來憶舊遊徵歌調玉樹閱舞按梁州徑
狹花迎輦池深柳拂舟昔人皆已沒誰與話風流

御選元詩卷第四十一

張弘範七首

張易一首

徐世隆一首

劉因三十首

閻復二首

李思衍六首

張立道一首

陳祐二首

崔斌一首

王暉二十首

程鉅夫十二首

葉李一首

陰山

八月陰山雪滿沙清光凝目眩生花插天絕壁噴晴月
擎海層巒吸翠霞松檜叢中疏畎畝藤蘿深處有人家
橫空千里雄西域江左名山不足誇

思友人

落日蕭蕭萬馬聲東南回首暮雲橫金朋蘭友音書絕
玉軫朱絃塵土生十里春風別野店五年秋色到邊城
雲山不礙歸飛夢夜夜隨風到玉京

寄平陽淨名院潤老

昔年平水便相尋握手臨風話素心刻燭賦成無字句
按徽彈徹沒絃琴風來遠渡晚潮急雨過寒塘秋水深

此樂莫教兒輩覺又成公案滿叢林

和移刺子春見寄

邂逅沙城識子初天山風雪醉吟餘文章光燄君堪羨
節操儀刑我不如麴蘖鄉中前進士渠有詩云老去惟耽
麴蘖春故有是句風

波堆裏老中書他年歸去無相棄同到閭山舊隱居

過夏國新安縣時丁亥九月望也

昔年今日渡松關西域陰山有松關車馬崎嶇行路難瀚海潮噴
千浪白天山風吼萬林丹氣當霜降十分爽月比中秋
一倍寒回首三秋如一夢夢中不覺到新安

過武川贈僕散令人

班姬流落到而今聞道翻身入道林歌扇舞裙忘舊業

藥鑪經卷半新吟閑眠白晝三盃醉靜對青松一曲琴
更看他年棲隱處蓬山樓閣五雲深

還燕京題披雲樓和諸士大夫韻

閑上披雲第一重離離禾黍漢家宮窗開青瑣招晴色
簾捲銀鈎揖曉風好夢安排詩句裏閑愁分付酒盃中
靜思二十年間事聚散悲歡一夢同

謝飛卿飯再用韻紀西遊事

河中

西域尋恩子城西
遼目為河中府

花木蔽春山爛賞東風縱寶鞍留得

晚瓜過臘半藏來秋果到春殘親嘗芭欖寧論價自釀
蒲萄不納官常歎不才還有幸滯留遐域得佳餐

再用韻

雲山疊疊復雲山瘦馬蘆鞭矮面鞍瀚海去程千驛遠
揚州歸夢五更殘塵緣淡處應忘世逸興濃時好解官
二頃良田何必覓春山筍蕨亦供餐

和搏霄韻代水陸疏文七首

錄二首

新詩效玉起予深獨有搏霄我許心真跡居塵聊俯仰
高名與世任浮沉同成雅會清茶話共賞枯桐白雪音
他日歸休約何處燕山參謁萬松林
漁磯舊隱荻花深塵世寧忘昔日心兩岸清風單舸穩
滿江明月一鈎沉飢來煮稻無兼味醉後鳴榔笑五音
閑臥煙蓑春夢斷不知潮起沒青林

蠟梅

御選元言 卷四三
越嶺仙姿迴異常洞庭春染六銖裳枝橫碧玉天然瘦
蕾破黃金分外香反笑素英渾淡抹却嫌紅豔太濃糝
臨風浥此薔薇露醉墨淋漓寄渺茫

寄天山周敬之

當年傾蓋識君初爛飲天山駐使車秋去安仁空有賦
鴈來公瑾又無書林巒紅葉如人老籬落黃華亦我疎
為向天涯道岑寂強吟新句附雙魚

贈蒲察元帥五首 錄四首

使君排飯宴南溪不枉從君鳥鼠西春薤旋澆濃鹿尾
臘糟微浸軟駝蹄絲絲魚鱠明如玉屑屑雞生爛似泥
白面書生知此味從今更不嗜黃虀

筵前且盡主人心明燭厭厭飲夜深素袖佳人學漢舞
碧髯官妓撥胡琴輕分茶浪飛香雪旋擘橙盃破軟金
五夜歡心猶未已從教斜月下疎林

主人開宴醉華胥一派絲篁沸九衢黯紫蒲萄垂馬乳
輕黃杷攬燦牛酥金波泛蟻斟歡伯雪浪浮花點酪奴
忙裏偷閑誰若此西行萬里亦良圖

閑乘羸馬過蒲華又到西陽太守家瑪瑙瓶中簪亂錦
琉璃鍾裏泛流霞品嘗春色批金橘受用秋香割木瓜
此日幽歡非易得何妨終老住流沙

壬午西域河中遊春四首 錄二首

二月河中草木青芳菲次第有期程花藏徑畔春泉碧

御選元言 卷三
雲散林梢晚照明含笑山桃還似識相親水鳥自忘情
遐方且喜豐年兆萬頃青青麥浪平

異域春郊草又青故園東望遠千程臨池嫩柳千絲碧
倚檻妖桃幾點明丹杏笑風真有意白雲送雨太無情
歸來不識河中道春水潺潺滿路平

河中遊西園二首 錄一首

河中春晚我邀賓詩滿雲牋酒滿巡對景怕看紅日暮
臨池羞照白頭新柳添翠色侵凌草花落餘香著莫人
且著新詩酌芳酒西園佳處送殘春

西域從王君玉乞茶因其韻七首 錄一首

酒仙飄逸不知茶可笑流涎見麴車玉杵和雲春素月

金刀帶雨翦黃芽試將綺語求茶飲特勝春衫把酒賒
啜罷神清淡無寐塵囂身世便雲霞

庚辰西域清明

清明時節過邊城遠客臨風幾許情野鳥間關難解語
山花爛熳不知名蒲萄酒熟愁腸亂瑪瑙盃寒醉眼明
遙想故園今好在梨花深院鷓鴣聲

早行

馬馱殘夢過寒塘低轉銀河夜已央鴈跡印開沙岸月
馬蹄踏破板橋霜湯寒卯酒兩三盞引睡新詩四五章
古道遲遲四十里千山清曉日蒼涼

十七日驛中作窮春盤 是日早行始憶昨日立春

昨朝春日偶然忘試作春盤我一嘗木案初開銀線亂
砂瓶煮熟藕絲長勻和豌豆揉葱白西人煮餅必投以豌豆細翦萋
蒿點韭黃也與何曾同是飽區區何必待膏粱

鹿尾

鑿輿秋獮獵南岡鹿尾分甘賜尚方濃色殷殷紅玉髓
微香馥馥紫瓊漿韭花酷辣同葱薤芥屑差辛類桂薑
何似瓊根蘸濃液流匙滑飯大家嘗

劉秉忠

江邊晚望

沙白江青落照紅滄波老樹動秋風天光與水渾相似
山面如人了不同千古周郎餘事業一時曹孟謾英雄

東南幾許繁華地長在元戎指畫中

九日滿坦山

凌雲氣節鬚驚秋書劒荒寒事遠游萬里嵐光乘馬背
一川紅葉上鰲頭西風不管參軍帽絕塞空凋季子裘
誰把茱萸念行役憑高拭目望神州

江上寄別

軍中無酒慰飄零辜負沙頭雙玉瓶鞍馬幾年南北路
關河千古短長亭好風到枕客愁破殘月入簾歸夢醒
夢斷故山人不見曉來江上數峯青

江邊梅樹

江邊繚繞惜芳叢絕筆天真在眼中素豔乍開珠蓓蕾

暗香微度玉玲瓏一枝倒影斜斜月滿樹浮光細細風
明日行經山下路幾回特地駐青驄

春日效宮體

雨洗芳塵絕點埃桃花零落海棠開沉香亭小圍紅樹
太液池清映綠苔夜月也曾懸漢殿朝雲何只在陽臺
六宮簾捲東風軟一派仙音翠輦來

寄友人

悠悠離闊感中年我輩情鍾豈不然好景與時渾易過
可人和月只難圓五更殘夢雞聲裏千里歸心鴈影前
漠北雲南空浪走今春又負杏花天

勸友人酒

西風落葉共蕭颼百感中來不自由豪客空攜鐵如意
舞嫖徒費錦纏頭曳過雨脚雲歸岫湧出山頭月滿樓
一曲清歌一盃酒為君洗盡古今愁

客興

關河牢落別離中到處題詩記轉蓬啼鳥不知春是客
落花還逐水流東雲開千里遠山碧樓映半溪殘照紅
雌蝶雄蜂不同類雙雙相趁舞迴風

宿中山乾明寺

客散關門厭事譁爐香滿屋臥煙霞人辭故里凡三載
僧到伽藍自一家夢破小窗浮月色漏殘寒角奏梅花
天明又上滹陽道駕水歸程漸有涯

山水清佳自在遊，利名莫莫復休休。瘦筇此日真忘世，長笛何人效倚樓。鴉落點成千樹墨，鴈飛橫絕一天秋。歸來小院松梢上，新月低斜玉一鉤。

樓上

睡起重持金屈卮，要憑芳酒緩離思。醉魂屢作還山夢，吟興多因寄友詩。千里波光風定後，一樓山色雨晴時。碧雲望斷佳人遠，投樹棲鴉已滿枝。

睡起

連歲驅馳萬里程，碧臺歌舞笑爭名。山中猿鶴丹心在，塞上風煙白髮生。對客倦談當世事，向人難悉未歸情。

雪花亂打西窗急，總似芭蕉夜雨聲。

寄張平章仲一

春光滿眼酒盈罇，難得同觀易見分。秋氣著人涼似水，晚山和我淡如雲。清歌月影簷頭轉，殘夢鐘聲枕上聞。元鳥欲歸黃鳥斷，詩哦伐木正思君。

過天井關

雲冷風高天井關，太行嶺上看河灣。九州占絕中原地，一壑攔迴左界山。王霸分爭圖未捲，英雄鏖戰血猶殷。華陽春草年年綠，汗馬南來不放閑。

郝經

秋興五首

錄一首

御選元言 卷四三
永夜漫漫苦飯牛北溟誰下釣鼈鉤拘雲琢句鬼神泣
倚劍長歌天地愁日暖桃源秦世外月明蘭國楚江頭
但能握節終吾事絕食猶輕漢五侯

老馬

百戰歸來力不任消磨神駿老駸駸垂頭自惜千金骨
伏櫪仍存萬里心歲月淹延官路杳風塵荏苒塞垣深
短歌聲斷銀壺缺常記當年烈士吟

南堂即事

長夏禪房絕點埃鬱蒸襟袖迴然開半軒流水移天去
滿榻雄風送雨來不記閑愁千萬種有時清唱兩三杯
輕鷗也自知人意浮入驚波却便回

大宛二馬

天廐所育詔
錫張蔡公

二馬飄飄萬里來玉花蕭颯上金臺風生兩耳雲霄近
電掣雙瞳日月開渥水虎文連殺氣大宛龍種絕氛埃
將軍正欲成勲業看汝驍騰展驥才

落花

彩雲紅雨暗長門翡翠枝餘萼綠痕桃李東風蝴蝶夢
關山明月杜鵑魂玉闌煙冷空千樹金谷香銷謾一尊
狼籍滿庭君莫埽且留春色到黃昏

次韻荅王國範

薄寒孤影澹黃昏步出空齋自掩門霜落池萍清見底
風彫庭樹靜歸根天高鴈去人千里江闊烏驚月一痕

徐選元詩 卷四三
兩國音塵俱斷絕幾年懷抱與誰論

靜香亭二首 錄一首

南風吹綠滿庭槐門巷翛然絕點埃紅玉生煙塵世隔
錦幃遮日洞天開鷺知好客飛無語蝶爲新花去復來
好著生前無限酒浩歌長醉亂霞堆

曉渡溘河

旌旗斷續出林巒部曲喧逐過石灘殘月沒時愁地險
宿雲收處覺天寬自知不武還爲將漫使閑身也屬官
落盡黃榆秋色老楚山清曉石樓寒

營獨山谷

秋風獵獵建牙旗月澹昏黃馬不嘶區脫定時林影黑

邏兵行處草聲低豺狼遠跡終宵遁烏鵲驚飛到曉啼
中夜幾回還自惜缺壺歌罷意淒迷

孟少保後園瑞香

羽葆層層擁細花早梅斜映隔山茶兩三叢裏氤氳氣
數百年來富貴家雕玉香濃團瑞雪翠翹春暖插輕霞
主人一去無消息庭戶蕭疎落晚鴉

月丹

小艇移來江漲橋盤盤矮矮格仍嬌丹霞皺月瑀紅玉
香霧凝春翦絳綃一種是花偏富貴三冬無物比妖嬈
廣寒記憶曾攀折滿殿光搖照紫霄

山茶大者曰月丹
又大者曰照殿紅

伴使秦文舉欲入維揚故賦詩以見意

東風吹落瓊花雨南浦潛生荔子煙夜久有懷聞獨鶴
春歸無語怨啼鶻天沈海底涵金鎖日隱鰲頭頓玉鞭
千尺絲綸萬年井文園消渴竟誰憐

芍藥

王承宣送揚州芍藥數本

夜來風雨洗殘春芍藥還開春又新入座忽驚持酒客
舉杯先酌送花人煙輕雪膩丰容質露重霞香婀娜身
鐵石肝腸總銷鑠都將軟語說風神

鏡薌亭

薄薄輕雲似霧塵陰陰江氣冷侵人一庭芳草留連客
兩樹夭桃斷送春檻外流鶯仍語巧梁間旅燕又巢新
東城飲伴西湖柳寒食中間入夢頻

甲子秋懷

江館無家久似家西風院落老天涯黃纏薯蕷猶多葉
綠擁芙蓉尚未花紗幕墜塵歸晚燕窻池生草窟秋蛙
枯腸欲斷誰濡沫擊柝聲中夜煮茶

己巳三月二十六日

夢遊故國人仍獨春到空梁燕自雙雲淡星疎祇見斗
浪平風定不聞江五更鼓角纏孤枕千里關河入破窗
落盡好花春又老依然塵土暗金釭

楊奐

寄商孟卿

一望東原一惘然芸窗誰與伴高眠秋風有意招張翰

春草無由見惠連王母信音青鳥外溪翁心事白鷗邊
殷勤爲向侯芭道判却殘年老太元

長安感懷

此心只欲作東周再到長安已白頭往事無憑空擊楫
故人何處獨登樓月搖銀海秦陵夜露滴金莖漢殿秋
落日酒醒雙淚眼幾時清渭向西流

試萬寧宮

月澹長楊曉色清天題飛下寂無聲南山霧豹文章在
北海雲鵬羽翼成玉檻玲瓏紅露重金爐縹緲翠煙輕
誰言夜半曾前席白日君王問賈生

至日

憶初年少在南梁兄弟歡遊久未忘春色共傾花底酒
雨聲常對竹邊牀怒鯨一夕掀洪浪斷鴈何時續舊行
辜負亂來同被約尺書不到十年強

劉祁

南京遇山樓

倚天突兀聳高樓樓上人家白玉鈎落日笙歌迷汴水
春風燈火似揚州仙人已去名空在豪客同來醉未休
獨倚朱闌望明月鸞旌依約認重游

杜煥

環翠亭宴飲

坐客終朝望眼西好山高與暮雲齊鶴鳴漁浦天風急

從選元言 卷四十二 許衡
鼇背仙宮海浪低千古地形雄妹土一川煙景勝耶溪
歌聲喚起凌波夢蓮葉香深路欲迷

楊惟中

棲巖寺

煙鎖蓮宮縹緲間巖松鬱鬱插雲端遠看大華三峰秀
俯視河東一水寒樓觀恍然驚世夢是非應不到長干
我來暫與高人話不覺斜陽下玉闌

許衡

繼人葵花韻

戎葵花色耀深濃偏稱脩叢映短叢絳臉有情爭向日
錦苞無語細含風舒開九夏天真秀壓倒千年畫史工

但恨主人貧且窶不教相對舞衣紅

遊孫氏別墅

聞道孫家別業新招呼諸子共尋春紅韜瘦藟花初動
黃染輕梢柳未勻興況便為生意好風光殊比畫圖真
何當對此常無事慰我年來老病身

學題武郎中桃溪歸隱圖二首

桃溪風景寫橫披渾似秦人避亂時萬樹春紅羅錦綺
一灣晴碧捲琉璃飲中更聽琴聲雅靜裏初無俗事羈
他日君侯歸此隱肯容閑客日追隨
門外鞦韆擺翠煙籬邊雞犬亦閑閑更教爛漫花千樹
對著縈紆水一灣好景已憑摩詰畫他年重約長卿還

尋思此世人心別又愛功名又愛山

春雪

玉塵如糝滿東風人道天教兆歲豐麥已埋深郊外綠
花都封却樹頭紅半年枯槁從今潤千里芳菲是處空
為問王孫與農叟憂歡應見兩難同

偶成

屈指年華四十三歸來憔悴百無堪遠懷未得生前遂
俗事多因困後諳百畝桑麻負城邑一軒花竹對煙嵐
紛紛世態終休論老作山家亦分甘

楊果

洛陽懷古

洛陽雲樹鬱崔嵬落日行人首重回山勢忽從平野斷
河聲偏傍故宮哀五噫擬逐梁鴻去六印休驚季子來
惆悵青槐舊時路年年無數野棠開

張弘範

初夏

醉窗睡足碧紗涼簾卷薰風燕子忙滿地落花驚晚吹
一溪流水帶斜陽等閑歲月過難再牢落功名拙自傷
青鏡祗愁霜鬢改光陰空老郭汾陽

新蟬

齊宮怨女夢初驚猶對薰風訴別情一自返魂遺舊殼
便將秋恨入新聲斷橋高柳天將暮落日空山雨乍晴

鐵石肝腸人聽得也應白髮為君生

雜燕

羽毛香潤態含癡睡足雲兜力尚微喚母但能啾唧語
戀巢猶倦往來飛薰風庭院簾初卷落日池臺人乍歸
白鳳赤龍渾異事爭如隨分著烏衣

述懷

春風滿鬢綠鬚鬆落落曾懷氣吐虹節操自知堅雪竹
行藏未必屬秋蓬歌終牛角兩行淚舞徹雞聲一劍雄
肯似少年場上客笙簫日醉軟香中

過雙堦

千丈黃塵倦客途林梢遙認兩浮屠數家荒店留行李

一帶遙山入酒壺勲業壯年勞夢寐等閑老境寄江湖
前塗默默深蒼海惆悵西樓日向晡

風柳

澹澹池塘近楚宮綠腰裊娜學盤中亂搖芳草飛輕白
細搭朱闌拂落紅枝上嬌鶯啼恰恰樹邊舞蝶意匆匆
東君應著吹噓力要把春愁一掃空

共賦行田

不屑人間事業忙日迷歌舞少年場樓臺夜月延佳客
花竹春風擁謝娘笑倩釵金挑燭影醉嫌杯玉擘橙香
誰知原上農家子鞭裊殘星曉露涼

張易

送魯齋先生歸山

袞袞諸公入省闈先生承詔獨南歸
道逢時否貧何病老得身閑古亦稀
行色一杯燕市酒春風二月故山薇
到家已及蠶生日布穀催畊隴麥肥

徐世隆

送天倪子還泰山

九十行年髮未華道人風骨飽煙霞
洞天福地三千里神府仙閭第一家
牛膝藥靈斟美醞兔豪盞淨啜芳芽
隱居自愛陶弘景莫作山中宰相誇

劉因

登雄州城樓

古戍寒雲接渺茫故鄉遊子動悲涼
江山自古有佳客煙雨爲誰留
太行野色分將愁外綠物華呈出夜來霜
海門何處秋聲急極目滄波空夕陽

入山

草露蛛絲晴日明亂蟲秋意有先聲
屈盤未轉坡陀盡蒼翠忽從懷抱生
一徑峯回失南北兩山雲近異陰晴
天公若會登臨意可信傷心畫得成

山中月夕

滿懷幽思自蕭蕭況對空山夜正遙
四壁晴秋霜著色一天明月水生潮
歌傳巖谷聲豪宕酒泛星河影動搖
醉裏似聞猿鶴語百年人境有今朝

從遊元言 卷四
塘水隨人緩步行哀湍激石故輕清太行穠秀霜洗淨
全趙規模天鑿成偶為登臨發悲咏忽從毛髮散秋聲
殷勤莫盡尊中酒留到青山佳處傾

野草會飲

行樂人生當及辰今朝光景為誰新林陰薄薄微露日
花氣溶溶暖著人春色十分看欲盡鳥聲千種聽難真
東風就手吹殘酒無限青山動翠鱗

過鎮州

太行迎馬鬱蒼蒼兩岸灘聲帶夕陽霜與秋容增古淡
樹因煙景恣微茫閱人歲月真無謂得意江山差自強

曾記城南舊時路十年回首儘堪傷

高亭

高亭雲錦遶清流便是吾家太一舟山影酒搖千疊翠
雨聲窗納一天秋襟懷灑落景長勝雲影空明天共遊
笑向白鷗問塵世幾人曾信有滄洲

夏日即事

迂疎爭笑近清狂多病筋骸可預防久乏園蔬因種藥
不留窗紙為抄方閑從烏雀分晴晝靜與蛩蟹共晚涼
莫道幽人好標致北窗自古有羲皇

夜雨

夢覺呼童問幾更未應先作不平鳴山深六月有秋意

夜靜滿城惟雨聲四海虛名此身媿百年浮世寸心驚
誰教簷溜如愁思欲斷還連直到明

夏日飲山亭

借住郊園舊有緣綠陰清晝靜中便空鉤意釣魚亦樂
高枕臥遊山自前露引松香來酒盞雨催花氣潤吟牋
人來每問農桑事攷證牀頭種樹篇

飲聞雞臺

出門人事厭紛紛春色三分已二分十步離山九回顧
一杯到手百無聞蒼茫天地有如此磊落古今何獨君
欲向荒臺問遺跡水明沙浦只行雲

秋郊

行過青林徑欲還誰家茅屋在林間雲初湧出半含雨
風漸吹開微露山世味嘗來知嬾貴物華老盡覺秋閑
天開勝境為詩敵未許幽人穩閉關

宿華陽臺

石徑盤盤擁亂霞雲間雞犬是誰家空山月出人境失
高樹露涼秋氣加蜀道青天休種杞武陵流水漫尋花
太行東北三千里盡借晴嵐染鬢華

渡白溝

薊門霜落水天愁匹馬衝寒渡白溝燕趙山河分上鎮
遼金風物異中州黃雲古戍孤城晚落日西風一鴈秋
四海知名半彫落天涯孤劍獨誰投

遂城道中

鐵城秋色接西垣遠客還鄉易斷魂
霸業可憐燕太子 戰樓誰弔漢公孫
冷煙衰草千家塚流水斜陽一點村
慰眼西風猶有物太行依舊壓中原

避暑玉溪山

風露撩人儘力清也應知我到禪局
秋聲滿谷有生氣 山意帶煙成遠形
皎月欲升天失色白雲初出樹留青
他年若訪經行處合有先生避暑亭

留題山房

靈風縹緲竹花飛怪石參差樹影齊
壺裏有天藏日月 杯中無海飲虹蜺
松生太古鶴應識路入白雲山盡低

萬里黃塵一回首微茫煙水意悽迷

春遊

巧穩林亭無四鄰背山向水得天真
風光正及二三月 童子同來六七十
人十日得閑須小醉一年最好是深春
鳥聲似向花枝說曾見無懷有此民

賦孫仲誠席上四杯

仲誠命題 彦通舉韻

螺

注瓦傾銀竟若何紅珠元稱卷金螺
微茫山意詩痕在 豔潁江聲飲興多
聖處已分糟與蟹醉來唯見酒成波
千年醒殺江魚腹應恨生身在汨羅

荷

御選元言 卷四三
碧筩和露卷晴霞錦浪隨鯨落晚沙風趁歌聲來弄葉
酒知人意要浮花甯中壁立三峯玉醉裏神遊太一家
明日清霜看紅翠人生容易鬢成華

桃

希夷尊俎永相望混沌鑿開見此觴金橘有天容逸老
青田無地避餘香雲中招隱留仙掌物外尋真得醉鄉
試向峨眉問啼鳥人間紅雨幾斜陽

後蜀記劉先祚進桃核
杯云得之華山陳搏

橙

瀟湘千樹暮林平風露詩腸快一傾蜜戀金絲仍可意
香分綠蟻最關情洞庭春色元無恙楚澤幽蘭恐未清
惟辦酒船千萬斛棹歌和月卷江聲

即席以韻課諸生東齋諸物

錄五首

遠山筆架

痕字

何物能支筆萬鈞案頭依約遠山痕燈橫煙影隱猶見
秋入霜毫勢欲吞掌上三峯看太華人間一髮是中原
中書未免從高閣不向林泉怨少恩

梅枝

枝字

鐵石心腸冰玉姿掌中潛得歲寒枝天教一握藏春密
風覓餘香就手吹雪月冷懷隨步履溪山高興入支頤
玉堂若要扶持用說與東君也不知

醉梨

寒字

白雪春香洗未殘元霜誰遣凍成團
冰封圓顆盤增滑

御選元言 卷四十一
蜜和濃漿齒避寒綠蟻從今忘病渴金花無地著餘酸
快人風味依然在莫作尋常軟熟看

玉簪 香字

花中冰雪避秋陽月底陰陰鎖暗香玉瘦每憂和露滴
心清惟恨有絲長且留宛轉圍沈水莫遣聯翩入粉囊
只許幽人太相似蒼苔疎雨北窗涼

秋蓮 空字

瘦影亭亭不自容淡香杳杳欲誰通不堪翠減紅銷際
更在江清月冷中擬欲青房全晚節豈知白露已秋風
盛衰老眼依然在莫放扁舟酒易空

黑馬酒

仙酪誰誇有太元漢家桐馬亦空傳香來乳面人如醉
力盡皮囊味始全千尺銀駝開曉宴一杯瑤露灑秋天
山中喚起陶弘景轟飲高歌敕勒川

次韻荅河間趙君玉見寄

出門紛擾互相尋常使幽人嬾病深前月借書來水北
去年采藥到城陰黃精已倩徐生斲蒼朮新教石老尋
只有煙霞肯賒借無人曾送買山金

憶郝伯常

一檄期分兩國憂長纓不到越王頭玉虹醉吸金陵月
元鶴孤遊赤壁秋漠北蘇卿重回首天南王粲幾登樓
飛書寄與平南將早放樓船下益州

閩復

送李兩山再使安南

往年御節使荒遐風節堂堂衆所誇
萬里朱厓鱗介比一星銀漢斗牛槎
轉輸已息江南郡烽燧還清瘴海涯
垂橐歸來見天子又攜恩詔撫皇華

梅杖

揀徧西河萬玉珂春風入手重摩挲
鬪青龍竹能香否較品鳩藤奈俗何
聲破夢寒霜滿戶影隨詩瘦月橫波
只知功到調羹盡不道扶持力更多

李思衍

見王參政

獵獵風沙透紙窗地爐火歇冷侵牀
一聲孤鶴唳殘月幾杵疎鐘敲曉霜
黍律噓春燕谷暖梅花入夢楚天長
歸期乞趁東風軟醉裊絲鞭吟綠楊

妙高臺

危亭新構客持觴雨挹闌干面面涼
煙外好山供水墨風前老樹奏笙簧
接天淨綠秋江白著地形雲晚稻黃
驟裊絲鞭歸興逸水晶宮殿桂花香

會同館

萬間頂顙翠光團千尺廊腰眼界寬
鴨脚參天風雨老館乃亡金之義王府懷
遠堂前雙杏大王所植龍髯蟄地雪霜寒
燕寒葡萄萄經庭花飛墨空遺恨宮葉流紅不忍看古往今來只如此夕陽搔首

倚闌干

華蓋樓

三十六坊如掌平長橋短艇水縱橫
銀河一道江連海畫障四圍山繞城
老樹煙雲春綠暗小樓簾幕曉紅明
陰陰翠影誰家屋夢覺草池鶯一聲

隆山塢院

峯頂浮圖第幾重四天塵界盡虛空
縣居島嶼縈迴處海在煙霞靉靄中
浴水垂盤暘谷日轟雷鼙鼓怒濤風
蓬萊咫尺闌干底平步長橋跨玉虹

見維揚崔左丞

十里珠簾一半垂揚州風物最宜詩
平山倚檻歐陽子

明月吹簫杜牧之吟筆新添梅鼎手
歌樓爭覓竹枝詞
濡毫願逐奚奴後描盡春風芍藥枝

張立道

奉使安南

遙坐蒼煙鎖暮霞市朝人遠隔喧譁
孤虛庭院無多所
蓊鬱園林只一家南注雄津天漢水
東開高樹木綿花
安南雖小文章在未可輕談井底蛙

陳祐

老農二首

北疇南莊幾老翁力田還與子孫同
倉箱歲計西成後
水土君恩北望中磁甕瓦盆轟夜飲
村簫社鼓賀年豐

御選元言 卷四十三
醉歸不記匡牀臥月上殯垣草屋東
飄蕭雙鬢似飛蓬樸野中存太古風
兩宿雲耕為出處
麥秋蠶月見窮通雍熙自入唐虞化
隱釣能談禹稷功
馬首不知緣底事洗杯來壽使君公

崔斌

題金山

浩浩長空天際來中流砥柱獨崔巍
風搖萬壑秋聲動潮捲千堆雪浪迴
山勢參差現靈鷲海波遼闊隔蓬萊
夕陽不盡登臨意倒瀉滄溟入酒杯

王暉

清明日錦隄行樂

浪說蘭亭禊事修年年春好錦隄遊
花翻舞袖驚歌板柳隔高城暗酒樓
綠樹恐應春事老金鞭重為使君留
竹西路晚歸時醉何處珠簾半上鈎

雨中與諸公會飲市樓

每恨人生會合難興來一醉盡君歡
雨沾翠佩簾花細酒凸金杯飲興寬
胡旋舞低翻翠袖串珠喉穩怯春寒
朝來酒醒蓬窗下依舊春風苜蓿盤

登凌雲閣

布衣塵滿戴儒冠風袂來登上將壇
棟藻雲飛朱拱溼簷牙霜重玉梯寒
風煙遠勝籌邊迴氣勢雄吞汴水乾
經略江淮有成筭不須重展地圖看

鎮州懷古

趙武雄圖不可尋風煙東接九門深
炎涼到此分南北戰伐無情自古今
彈躡流風猶戰國椎埋遺俗帶燕音
劒歌不遇平原客落日滹沱動旅吟

賦西域鸚鵡螺杯

老月淪精射海波珠繩分秀貫神螺鷓
斑漬粉垂金薤鸚喙嫌寒縮翠窠樽出
瘦藤紋浪異瓢成椰子腹空皤飲餘疑
與溪娘遇一笑相看發浩歌

宛葉道中

六合雲蒸一氣霾漫漫長路渴生埃
詩從白雨明邊得人自青山盡處來
世路有機難預料劇談供笑不時開

濟時賴有諸君在漢苑秋風愧不才

夏縣道中

溼雲壓樹際崗平溽暑還因小雨增
官事困人如縛虎秋風吹野夢翻鷹
趨時未必儒冠誤並隱端為野鶴憎
遙憶筠溪亭下水萬竿蒼雪照吟燈

題趙宣撫樊川山中雜詠

蒼崖如削靜煙霏中有高人住翠微
夜鶴聽琴依蕙帳曉泉和月落山扉
一龕靜體炎涼理兩眼深明倚伏機
畢竟名高難久臥野猿偷褫芟荷衣

同馬才卿暇日登昊天寺寶巖塔有懷

高標直上跨蒼穹物外方知象教雄
九陌市聲開曉色

御選元言 卷四三
兩都喬木動秋風遙憐漢馬屯湘渚安得長書附塞鴻
寂歷村虛野煙外誰教簾幙夕陽紅

糟魚

霜刀截斷玉腴芳暖貯銀罌釀粉漿錦尾帶頰傳內品
金盤堆雪喜初嘗解醒未減黃柑美雋味能欺紫蟹香
一筋饜餘乘醉臥夢橫滄海聽鳴榔

過沙溝店

高柳長塗送客吟暗驚時序變鳴禽清風破暑連三日
好雨依時抵萬金遠嶺抱枝圍野色行雲隨馬弄輕陰
搖鞭喜入肥城界桑柘陰濃麥浪深

山陽偶與大繼長相遇自辛亥年相別至今廿

八年矣追念疇昔作詩為贈

解鞍林下振清埃懷抱樽前得好開白髮滿頭心事在
青山當眼故人來風流自有高賢識感慨還深漂母哀
讀盡深香轉蕭爽清吟不到伯倫臺

擬遊百巖
不果故云

深香係繼長父宜之文集
號曰深香閒適予此行本

種玉亭

徐子方宣慰
有詩因擬作

靈沼雲深寶氣存素蘼一夕發芳根煙中髣髴溪娘語
波面輕盈越女魂江月借妝增皓彩露華和屑貯芳溫
夜深更待瑤環供細挹秋香共一樽

桃花菊

一名胭脂紅

淚洒明妃寄露葩換根非為貯丹砂黃輕白碎空多種

碧爛紅鮮自一家騷客賦詩憐晚節野人修譜是頭花
九秋霜露無情甚時約行雲護彩霞

秋懷

醉頭扶起日三竿埽罷幽軒到藥闌傍架整齊書帙亂
繞籬料理菊枝殘日融虛閣留餘暖雨積高空促早寒
處置身心閒裏過不將勲業鏡中看

清明後一日雨中招林韓李三君子小酌且為

梨花洗妝

時新植梨花
一株盛開

花滿金壘酒滿樽一杯歡飲得佳賓近年樂事無今歲
此際閑身有幾人祿美勝於三品料臘香清徹六根塵
風簷數點催妝雨辦與梨花作好春

三山元日

臺熱天香簇絳紗三山簫鼓樂年華竹枝歌後多淫祀
燕子歸來識故家荷鬢開妝餘翠貝蔬盤勻飮雜魚鰕
殊方風物雖堪賞爭遣衰年客海涯

近讀夜永不寐等作覺清而頗寒吾恐傷中和
而病吾子也因復繼前韻假辭而薰炙之亦晁
補之擬騷之遺意也

燭影紅搖夜色侵香添菱葉鬱重衾鳳琶調軟歌能合
竹葉杯深醉易沈綠鬢追歡燕市樂翠屏歸夢越江吟
平明剩買扶頭酒不向諸兒計橐金

題香山寺畫卷

送客當年過玉泉醉中遊賞得奇觀一泓湛碧浮僧鉢
幾葉秋黃打石闌山色空濛金界溼松聲清泛海波寒
吟鞭回首都門道斜日歸時翠滿鞍
謝徐容齋贈梅
燕釵宮額蠟妝勻夢繞羅浮雪裏村持贈一枝遮老眼
淡依疎影度黃昏風流燈下佳人面瀟灑吟邊竹葉樽
我老忘情被花惱曲屏深鎖惜芳溫
程鉅夫
燕石齋送人赴浙東木綿提舉
曾歷金華三洞天風流歷歷記山川柏林白綻梅花小
柿實紅垂橘彈圓訪古但聞羊化石因君又喜木生綿

風霜渾似當時峭愁絕雙溪八韻篇

和王寅夫郎中元日立春

馬蹄塵裏度芳辰帶得陽和到七閩山翠倚天迎好客
風光滿地屬吟身高情古柳仍青眼時態夭桃自絳脣
從此不憂江海遠春官袖有十分春
寅夫惠教遊鼓山四詩細讀如在劣前杖屨間
想像追和用堅重遊之約四首

城市林泉隔幾關半生幽興欠闌山久聞劣前高寒處
一望蓬萊縹緲間有約同看紅日上無端獨占白雲閒
錦囊收拾奇觀了物色分留肯破慳

足力猶堪敵瘦筇擬乘寺頂最高峯杯吞東海一勺水

御選元言 卷四二
鞭起南湫久臥龍佛界須臾三萬劫神山杳靄幾千重
煩公更泚如椽筆摹寫雲天不盡容

炎方春淺未如焚花木迷人意欲曛福地同游勝獨往
中天一覽破千聞於今難擬高唐賦何日重開衡岳雲
眼底琉球彈丸耳樓船曾見漢家軍

去天萬里此相遭攬轡無功敢告勞賸貯冰霜消瘴癘
尚疑風雨隔清高一年花事成佳蔭二月春江息怒濤
細嚼公詩如橄欖挽回塵俗入風騷

寅夫示再登鼓山四詩僕雖不獲同游然來詩
不可虛辱次韻奉謝且致歸班之餞

勝處心知只耳聞却因君句得奇芬海天昏黑龍行雨

錄二首

樓閣青紅蜃吐雲仙境煙霞從痼疾詩家風月要平分
悠然佳興誰能敗俗吏當前自糾紛
眼前培塿足縈纏去去瀛洲大洞天一息南溟能幾月
再行東海定何年江淮巨浪千堆雪榆柳中原萬里煙
解視歸裝還不俗有詩曾酌瘴鄉泉

次韻寅夫晚涼感事

初夏微風作嫩涼傷春一夜鬢毛蒼紅芳寂歷午陰綠
白晝須臾晚照黃濺淚露葵空滴滴鎖愁煙柳自行行
絕憐熠燿倉庚羽曾帶千門麗日光

寄閻子靜唐靜卿二翰長

故人天上近何如白玉堂中足寶書燭徹宮蓮三鼓後

御選元詩 卷四十一
露溥仙掌九秋初江湖正共丹心老魚鴈全如綠鬢疎
西北闌干天咫尺欲乘黃鶴却躊躇

送尹生歸江西

江漢秋深鴈過稀悠悠歸思夢先知
輸君去住無多事顧我留行待幾時
野岸曉光千棹急平湖寒影數峯欹
拍肩試向洪崖說儻有黃花覓一枝

送戴道士住天台

君承恩命住天台萬壑千峰繞絳臺
門外霞川浮溟滓杯中雲海接蓬萊
時同野鶴看桃去或領山猿採藥迴
三十年前我亦到舊題應入白雲堆

葉李

壽馮大使

帝遣皇華遠有光可能白首老中郎
雲臺偉蹟推馮翼天榜魁名說馬涼
花柳無私春鼎鼎松椿不老歲蒼蒼
傳聞又攬澄清轡一道平反福更長

御選元詩卷第四十二

二此圖于天...
 三...
 四...
 五...
 六...
 七...
 八...
 九...
 十...
 十一...
 十二...
 十三...
 十四...
 十五...
 十六...
 十七...
 十八...
 十九...
 二十...

軒間又...
 天...
 帝...

壽照大封

